



सानसेयारि बड'सा

सानसेयारि 'बड'सा' खरीरालाइयाव समाज्यादि जिज्जो लोब्बा थाबाय रायथाय, ब्रन्थाय, बल, बलबाथा आरु दावबायारि थावनि, पार्क बाइदिबि स्यायाव लिन्नाय लिन्बिबां हैथाय ठर! सानसेयारि 'बड'सा' खरीरालाइया सेबेरानाबै फोखावगोन।
बड'सायाव लिन्नायलि दुबा खालाम, 'बड'सा' खरी नोथो, जो बयबो आंगो खालाम।

सानसेयारि बड'सा मावखुलि
माइवं नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Saturday ★ 17 August, 2024 Kokrajhar, BTC, Assam ★ Vol.- 34, Issue No.142 R.N.I.Regd.No.40994/91, Assam Govt. Regd.No.IPRD.40/2006/3, ★ Rs. 8/-

कक्राझारआव 78थि उदांसि सान फालिदों

माहारियारि फिरफिला बिरहोनानै रेखाथि हान्जा, एनसिसि आरु फरायसाफोरनि मार्चपास्ट आजवो

कक्राझार, 16 आगस्ट: दुलाराय हादतजों लोगोसे बड'लेन्ड टेरिटोरियेल रिजननि राजथावनि कक्राझारआवबो हादतनि 78थि उदांसि सान फोर्बाखौ सानसेनि हाबाफारिजों गाजा-गोमजायै फालिनाय जायो। बे सानजों लोब्बा लाखिनानै कक्राझार सरकारि गोजोसिन फरायसालि आरु थांखिगोबां फरायसालिनि गेलेग्रा फोथाराव खुंनाय उदांसि साननि



माहारियारि फिरफिलाखौ बिरहोयो बिटिआरनि गाहाइ मावफुं सोद्रोमा प्रमद बर'आ। बिथाख फिरफिला बिरहोनानै रेखाथि हान्जा, एनसिसि आरु गोबां थार फरायसालि, फरायसालिमा फोरनि फरायसुला-फरायसुलिफोर मार्चपास्ट खालामनायखौ आजवो। बेनि उनाव गुबुन गुबुन फरायसालिफोरनिफ्राय (□ 5 बिलाइआव)

सरुपेटा आर्यभट्ट एकाडेमि स'साइटि आरु खाजोना बेंखन बिबानगिरि मावखुलियावबो उदांसि सान फालिदों

भबानिपुर, 16 आगस्ट: सरुपेटानि आर्यभट्ट एकाडेमि सिनियर सेकेन्डरि फरायसालिनि लांगोनायाव आर्यभट्ट एकाडेमि स'साइटिनि बान्जायनायाव फरायसा, फोरंगिरि आरु रइजो-रजाफोरनि नुजाथिनायाव मेहेर गोनां हाबाफारिनि गेजेरजों हादतनि 78 थि उदांसि सान फालिनाय जायो। गुबुन गुबुन हाबाफारिजों फालिनाय उदांसि साननि फिरफिलाखौ बिरहोयो आर्यभट्ट एकाडेमि सिनियर



सेकेन्डरि फरायसालिनि गोरयुं किशर कुमार चोधुरीआ। बेनि उनाव भारतनि उदांसि सोमावसारनायनि मुंखलंफोरनो देदेन्नाय आरु मावखुलि मान बाउनाय हाबाफारि खुडे। फुंनि 10 रिगानिफ्राय आर्यभट्ट (□ 5 बिलाइआव)

सिनियर सेकेन्डरि फरायसालिनि फोरंगिरि मितालि दास आरु पोरंगिरि कुशल बर्मनआ देदेन्नाय आरु मावखुलि हेफाजाबगिरि आरु गारि आर्टिष्ट (□ 5 बिलाइआव)

सालबारिआवबो उदांसि सान फालिदों



सालबारि, 16 आगस्ट: हादतनि दाब-दाब जायगाजों लोगोसे बाक्सा जिल्लानि महकुमा सदर सालबारिनि जुनियर कलेजनि गेलेग्रा फोथाराव सालबारि महकुमा खुंथायनि बान्जायनायाव हादतनि 78 थि उदांसि सानखौ रंजा-बाजायै फालिनाय जायो। उदांसि सान फालिथायजों लोब्बा लाखिनानै मैया (□ 5 बिलाइआव)

मिहिनीस्वर बसुमतारिनि लिन्नाय 'हान्थिबोबाय आं गोजान लामा' मुनि बर' अडिअ सिडि केसेटखौ बेखेवबाय



सान्जारि नोगोर, 16 आगस्ट: धेमाजि जिल्लानि सिमेन चापरनि सान्जारि नोगोराव

थानाय बर' कछारी अन्साइ गावहायुंआरि खुंथाइनि गाहाइ मावख'आव दिने बि के डब्लिउ ए सिनि गाहाइ मावफुं

सोद्रोमा मिहिनीस्वर बसुमतारिनि गावनि जिउ लामायाव जौनि थांखि, सानसि आरु नोजोरखौ बिथा खालामनायै जुजिबोनायाव लोगो मोनबोनाय गोबां जेना-जेथो, खेदां-खेफोद, सात-जारला सौंसिनानै हाबा मावबोनायनि गेजेरजों गोबां जाथायफोरखौ लानानै सुजुनाय मेथाइनि देंखोफोरजों आबुं महर मोन्नाय 'जारिमिन अडिअ' (□ 5 बिलाइआव)

बासुगावआवबो रंजा-बाजायै उदांसि सान फालिदों



बासुगाव, 16 आगस्ट: बासुगाव सहरनि 3 नं वार्डनि थाना लामायाव थानाय थार्ड आइ कम्पिउटर एडुकेसन सेन्टर, बासुगाव गुदि देहा मिर, बासुगाव

नोगोर आफाद, शिवसेना भवन, फरायसालि-फरायसालिमा, सरकारि-सरकारि नडे फरस्थानफोरवबो हादतनि 78 थि उदांसि सान फालिनाय जायो। बासुगाव थार्ड आइ कम्पिउटर एडुकेसन सेन्टरआव उदांसि सान फालिथायनि माहारियारि फिरफिलाखौ बिरहोयो बासुगाव गौडीय मटनि बिबानगिरि श्रीधर महाराजआ। हादत सिबिनाय मेथाइजों थुंगोनाय मेलाव कम्पिउटर सेन्टरनिफ्राय उथिनाय फरायसाफोरनो फोरमान लाइ गथायनानै होयो। बिपुष बर्मननि देदेन्नायाव फालिनाय उदांसि साननि हाबाफारियाव बासुगाव नोगोर आफादनि लेडाइ मासिगिरि महेश बसुमतारि, वार्ड कमिसनार उत्तम चौधुरी, गागि समाज सिबियारि, (□ 5 बिलाइआव)

गेरुवा हान्जानि थांखि: 2025 बिटिआर बिसायख थियाव हारसिडे: जुजिनानै सरकार दागोन

कक्राझार, 16 आगस्ट: थांनाय 2021 नि बिटिसि बिसायख थियाव एखु थायै बिसायख थि गेलेनानै बिपिएफ जों एलाइन्सखौ सिमफायनानै प्रमद बर' देदेन्नाय इडपिपिएल दोलो जों लोगोनांनानै बिटिसि कार्डिनल दानानै सरकार सामलायगासिनो दड बिजेपि आरु इडपिपिएल जुथाइ हान्जाया। बेनि सिगां राइज्योनि बिधान सभा बिसायख थियावबो बिजेपि-इडपिपिएल जुथायै नो



बिसायख थि गेलेनानै रइज्योआव दासिम बिजेपि-

इडपिपिएल दोलोनि जुथाइ सरकार सामलायनानै दड। बेजों लोगोसे थांनाय लकसभा बिसायख थियावबो बिजेपि- (□ 5 बिलाइआव)

बरिमाखा जुनियर कलेजखौ सरकारि खालामनांगौनि दाबिजों कलेजनि बिबुंगोराफोरा खुद्रिसारदों

मुसलपुर, 16 आगस्ट: बरिमाखा जुनियर कलेजनि गोरयुंजों लोगोसे बिबुंगोराफोरा दिने 16 आगस्ट खालारसिम फेगो 20 आगस्ट खालारसिम पेनडाउन खालामनायै खुद्रिसारनाय हाबाफारि लादों। बाक्सा जिल्लानि सिडव थानाय बरिमाखा ओन्सोलाव थांनाय 2000 इं माइथायावबो गाइसनजानाय नायल'-जाल' गंसेल' बरिमाखा जुनियर कलेजआ 24 बोसोरआव आगान होबाय। नाथाय दिनेसिमबो सरकारि जायाखे।



बेखौनो लानानै कलेजनि गोरयुंजों लोगोसे गासै बिबुंगोराफोरा सानब्रैनि हाबाफारिजों फेगो 20 आगस्ट खालारसिम रेबगन दोनथ'नाय खुद्रिसारनाय हाबाफारि लायो।

मख'जाथावदि, बि टि आर गोरुबथानि 6.3 दफा बायदियै सरकार आ बि टि सि (□ 5 बिलाइआव)

फाहामगिरि डा: मौमिता देबनाथ बुथारनायनि हेंथायै गसाइगावआव फाहामगिरिफोरा डिउटिनिफ्राय जानगाराव थादों

गसाइगाव थान्दै, 16 आगस्ट: गावनि सिबिथाइ होनायखौ फोजोबनायनि उनाव फाहामसालिनि सिडवबो थानाय जिरायसालि न'आव जिरायनानै थानाय समाव कलकातानि आरजि कर मेडिकल कलेजनि फाहामगिरि डा: मौमिता देबनाथखौ मानसि महेर हान्जासे जुनात आखुनि सुबुंफोरा फाहामसालि लांगोनायावबो इनाय-उतखारयै जिनाहारि खालामनायै खासि-बिसि बुथारनाय जाथायनि हेंथायै गाबोन गसाइगावआव फाहामगिरिफोरा सिबिथाइ होनायनिफ्राय जानगाराव थागोन। गसाइगावनि हाबुबिलआव थानाय रनेन्द्र नारायण बसुमतारि (आरएनबि) सिबिल फाहामसालिनि साफ्रोमबो फाहामगिरिफोरा बे उतखारि आरु इनायै बुथारनाय जाथायनि हेंथायै आरु दायनिगिरिखौ हननानै गोखों साजा होनो दाबियाव 17 आगस्टनि फुंबिलि (□ 5 बिलाइआव)

सालबारिनि बासबारि गुदि बिपिएफ दोलोनि जथुम्मा खुदों



भबानिपुरनिफ्राय राजिव तालुकदार, 16 आगस्ट: बाक्सा जिल्लानि सालबारि मादुझार कमिउनिटि हलआव दिने बिपिएफ बासबारि गुदि आफादनि 3 बोसोरारि जथुम्माखौ सानसेनि हाबाफारिजों खुंनाय जायो। बिपिएफनि सालबारि ब्लक कमिउनिटि आफादगिरि बिनायम बर'नि आफादगिरि मासि सामलायनायाव खुंनाय जथुम्मानि गेवलां मेलआव दोलोनि दाफुंथाइआरि बिथिनि सायाव बिबुंथि लाखियो फारियै- (□ 5 बिलाइआव)

कक्राझार सरकारि फरायसालिमानि 66थि बोसोर गायसन्थाइ सान फालिदों

बडाइगाव, 16 आगस्ट: थांनाय 1959 माइथायनि 16 आगस्ट एबा दिनेनि सानआवनो गायसन्नाय जादोंमोन कक्राझार सरकारि फरायसालिमाखौ। बेखौ लानानै दिने फरायसालिमानि 66थि गायसन्थाइ सानखौ माखासे हाबाफारिनि गेजेरजों फालिनाय जायो। उननि समाव सरकारि जानाय कक्राझार फरायसालिमाया बावैसो सिगां



मुलुग सोलेंसालि खोलोबसिम जौगानो हानायाव कक्राझार सरकारि फरायसालिमायाव रंवा-बाजा थासारि सोमजियो। गायसन्थाइ साननि हाबाफारि बायदियै फिरफिला बिरहोनाय

आरु बड'फा इउएन ब्रह्मनि मुसुखायाव मान बाउजेनो फरायसालिमानि गोरयुं डुदिमासा दैबां मुसाहारिआ। दिनेनि बे गायसन्थाइ सान (□ 5 बिलाइआव)

डा:मौमिताखौ बुथारनाय जाथायनि हेंथायै एबिभिपिआ हान्जा सुरनानै गोखों सोमावसारदों

गसाइगाव, 16 आगस्ट: कलकातानि आर जि कर मेडिकल कलेज आरु देहा फाहामसालियाव थिसनजानाय देहा फाहामगिरि डा: मौमिता देबनाथखौ माखासे लांसुनिया सुबुंफोरा जिनाहारि खालामनायै बुथारनाय जाथायनि हेंथायै आयेनआरि नायबिजिनंगौनि दाबिजों एबिभिपिनि गसाइगाव दालाइआ दिने गसाइगाव सहरव फरायसाफोरा हान्जा सुरनानै सोमावसारनाय हाबाफारि खुडे।



आफादनि खावलायनायाव दिने क्लाव आरु बिजाब बाखिनि मोनाबिलियाव कमलनाथ (□ 5 बिलाइआव)

बिटिआरनि बिजेपि इएम अरुप कुमार देनि हेंथायै खुद्रिदों एबिएमसुआ

हारियारि बिबुंथि होनायनि अजद लाबोनानै पुलिस बिफाननो एजाहार गथायदों



कक्राझार, 16 आगस्ट: हादतनि उदांसि सान 15 आगस्टखालि बिटिआरनि बिजेपि मावफुं सोद्रोमा अरुप कुमार देआ कक्राझार मागुमारनिफ्राय फकिराग्राम गोजाम बाजार हाइस्कूल गेलेग्रा फोथारिसिम मोनसे माराथन खारनाय (□ 5 बिलाइआव)



भबानिपुर, 16 आगस्ट: आसामनि 6 बोसोरनि गुबुनारि होखारसंनानय सोमावसारनाय एबा आसामनि थामोन्था रेखाथिनि सोमावसारनायनि गिबिसिन मुंखलं खर्गेंस्वर तालुकगारनि गोसोखांथियाव भबानिपुरनिफ्राय मुलुगनां जारिमिनारि थावनि मानास (□ 5 बिलाइआव)



कक्राझार, 16 आगस्ट: हादतनि 78 थि उदांसि सानजों लोब्बा लाखिनानै कक्राझारनि पातालपुरि अन्साइ आफादआ कक्राझारआव थानाय रुपनाथ ब्रह्म सरकारि देहा फाहामसालियाव बेरामिफोरनि गेजेराव फिथाइ-सामथाइ बायदि जाग्रा आदार रनानै होयो। समाज सिबिनारनि असिलायै बे आफादआ कक्राझार जिल्ला खुंथाय आरु रुपनाथ ब्रह्म सरकारि देहा फाहामसालिनि हेफाजाबाव (□ 5 बिलाइआव)

सुजुगिरिनि खोलोम

फेग्रा मुवानि इयुन गोहोम

सुबु समाजाव सोरबाबा गात्रि जिराद फानना मुलाम्फा खामायदों आरो सोरबाबा गात्रि जिरादखौ बासायनानै अबथिरा जिउ गोमानादों। बे रोखोमनि जाथाया गुबुननि समाजाव जेरें गात्रि रोखोमै गोसारनो लादों जौनि समाजावबो बे रोखोमनि गात्रि जथाया गोसारगसिनो दं। थेवबो जौनि समाजनि दैदेनगिरिफ्रा बिथिं नोजोर होनो जानायखौ नुनो मोनाखैं।

फेग्रा मुवा एबा ड्रगस जानाय बाइदि गात्रि आरो गिथाव थाव हुदाखौ जौनि गोलेफोराबो गोबाना लाना गोबाडानो नागारनो हायै जाना अबथिरा जिउ गोमा नांगासिनो दं। टाउन सहरनिल' बाथ्रा नड, गामि सिनि गथ' गथायफ्राबो बे गात्रि आखुखौ गोबाना लादोंसैं। बिसोरनि गेजेराव गोरों गोर, समाजनि मान गोनं सुबुफोरनि नख'रनि गथफोरबो दडहोना खोनानो मोनो। जौनि हादोर सानि एबा बि.टिसि. हालामनि राइजो राजाफोरनि गेजेराव सांग्रांथि गैया। फेग्रा जिराद, जेरें- गान्जा, डेनराइट आथा, जौखौ हाथाय बाजारफ्राव गोलेथैनो मोना थाडो होना गथ' गथ' सेंग्राफोनो बेफोर मुवाखौ बाहायनानै नागारनो हायै जाबाय। जौखौबो हाथाय बाजारवा लांदाडै फान्नाय हुदाखौबो जौनि समाजनि सुबुफ्रा दासिमबो नागारनो हाया जाबाय। फरायसा गथ'फ्राबो हाथाय बाजारवा मोना फान्नाय जौखौनो लोनो लाबाय, उनाव लोंग्रा हुदायाबो बांलांबाय। मुलिनि गलाफ्रावबो बायब्लानो मोन्नाय फेग्रा मुलि जेरें करेक्स, दखानाव मोन्नाय डेनराइट आथाखौ बायना गथ' गथ'फ्रा बादायनायखौ खोनानो मोनसोगारो।

सुबु समाजा गोलेफोरखौ बे बाइदि गात्रि हुदानिफ्राय रैखा खालामनायनि माबाफोर राहा लादों ना? नुनाय बाइदियै जौनि समाजाव बे बाइदि गात्रि आखुफोरखौ जाहाथे गोले गथसाफ्रा नागारो बिनि जेबो राहा लायाखैं। जौनि समाजाव गोखौ समाजारि आफाद दं होना बुंन्ला एबसुखौनो बुंनइ जागोन। एबसुवा गोसो जायोब्ला फरायसा गथफोरनि गात्रि आखुखौ नागारहोनायनि राहाखौ लानो हागौ। एबसुनि अगायै गुबुन समाजारि आफादा बिनि राहाखौ गोखोडै लानो हाबाबो जानो हागौ। समाजनि दैदेनगिरि मेलेम गोनं सुबुफ्रा समाजनि गोलेफोरनि गाहाम इउननि थाखाय गोथौथै गोनं जाबाय।

दिनेनि फान्जामुथि

राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ)
कर्कट : ड ह सिंह : म ट कन्या : प ठ (ण ष)
तुला : त र बृश्चिक : ब न धनु : ध भ (ढ फ)
मकर : ख ज कुम्भ : ग श (स) मीन : द च (ख ज झ)

मेघ: सुथर थानाया बांलानो हागौ। जेरेंबो सांग्रा जानानै थानांगोन।

वृष: सुखुखौ जेरेंबो मोन्दांनो हागोन। नख'र संसार जानायाव जौगानाय फैनो हागौ।

मिथुन: सोरजौबाफोर बायदिसिना होन्नाथे थ'गायजानो हागौ। जेरि बुड सांग्रा जानांगोन।

कर्कट: जेनाफोर जोबनाय नड। गोसोखौ सान्थि गैथै मोनगोन। जेरि जाया गोसोखौ हमथा।

सिंह: बे राशिनि थाखाय गोथार सान। जायखिजाया मोजं खामानिखौ मावनानै लानो हागोन।

कन्या: माबाफोर मोजं खामानि मावनो गोनं दडबा मावनानै लानो हागोन। दिनेनि सानआ गोथार सान।

तुला: गोसोखौ मानोबा गोजोन गैथै मोननो हागौ। गोजोनाय गैथैजौं सम बारहोनगोन।

बृश्चिक: गुबुनआ माबाफोर ख'हा खालामनानै होनो हागौ। गोसोखौ सान्थि मोन्नाय नड। गोसोखौ हमथा।

धनु: जेरि मावा फालांगियाव मुलाम्फा खालामनो हागोन। गोजोन मोनगोन। मोजं सान।

मकर: बादायलायनाय समाव देहासार जानो हागोन। जेरवबो मुंदांजा जानो हागोन। मोजं सान।

कुम्भ: बोरैबाफोर देहायाव जोखोमफोर मोन्नायनि आसा दड। जेरेंबो सांग्रा जानानै थानांगोन।

मीन: माबाफोर गोदान जेना नुजानो हागौ। जिंगा सिनांगोन थासारिआव गोलेनो हागौ।

गाहाइ मन्थि मदि आरो हादरगिरिजों लोगोसे गाहाइ दैदेनगिरिफोरा भारत रत्न अटल बिहारि बाजपेयीनो बिबारजों मान बाउदों

गोदान दिल्ली, 16 आगस्ट: मुंदांखा बान्था भारत रत्न मोनगिरि आरो बारा' गाहाइ मन्थि अटल बिहारि बाजपेयीनि दिनें रंसारि सान। बे खाबुआव गाहाइ मन्थि नरेन्द्र मदि आरो हादरगिरि द्रैपदि मुर्मुआ बिथानि गोसोखों खाम्फा सादेव अटलआव बिबार बाउदों। सादेव अटलआव सौहैनानै ले डाइ हादरगिरि जगदीप धनकड, मिरु रैखाथि मन्थि राजनाथ सिंह, लकसभानि बुंथिगिरि अम बिरला, मिरु मन्थि जेपि नड्डु बिथामोनाहाबो बारा' गाहाइ मन्थि बाजपेयीनो बिथानि रंसारि सानआव बिबार बाउयो। रंसारि गाहाइ मन्थि



बाजपेयीनि खानाय फिसाजो नमिता कौल भताचार्यआबो सादेव अटलआव थानानै आर'ज गानाय हाबाफरिआव

बाहागो लाहेंदों। बे समाव मिरु

मन्थि महरै बिथाड हादरखौ समाजयारि आरो रांखान्थि फासैनिफ्राय गोखों खालामदों। जेब्ला हादरआव राजखान्थियारि सोबख'नाय, हादर सिबिनारयनि फासै' गोथार गोसो आरो थांखिफोरनि फासै' गोखोडै मावफु'नायनि बाथ्रा फै यो अब्लानो अटल बिहारि बाजपेयीखौ गोसोखानाय जागोन। बेराफासै' बिथाडा बिजेपिखौ गायसन्नायनि गेजेरजों रस्टूहीत एबा हादरनि थाखाय सान्नाय-हनायखौ

बयनिबो गेजेराव गोसारहोदों। गुबुन फासै' गाहाइ मन्थि महरै बिथाड हादरखौ समाजयारि आरो रांखान्थि महरैबो गोखों खालामदों। मिरुनि मन्थि शाहआ दुड्ट खालामनानै भारत रत्न बान्था मोनो हनाय बाजपेयीनो रंसारि साननि मान बाउयो। अटल बिहारि बाजपेयीआ 1996 नि 16 मेनिफ्राय-1 जुन 1996 सिम आरो बेनिफ्राय फिन 1998 नि 19 मार्चनिफ्राय 2004 नि 22 मेसिम भारतनि गाहाइ मन्थि जादोंमोन।

मन्थि महरै बिथाड हादरखौ समाजयारि आरो रांखान्थि फासैनिफ्राय गोखों खालामदों। जेब्ला हादरआव राजखान्थियारि सोबख'नाय, हादर सिबिनारयनि फासै' गोथार गोसो आरो थांखिफोरनि फासै' गोखोडै मावफु'नायनि बाथ्रा फै यो अब्लानो अटल बिहारि बाजपेयीखौ गोसोखानाय जागोन। बेराफासै' बिथाडा बिजेपिखौ गायसन्नायनि गेजेरजों रस्टूहीत एबा हादरनि थाखाय सान्नाय-हनायखौ

गाहाइ मन्थि मदिया हादरगिरिनि दिनार पाटियाव बाहागो लादों

गोदान दिल्ली, 16 आगस्ट : गाहाइ मन्थि नरेन्द्र मदिया लेहाइ हादरगिरि जगदीप धनखडजों लोगोसे उदांसि साननि खाबुआव हादरगिरि द्रौपदि मुर्मुआ खुंनय मोनानि जानाय एबा दिनार हाबाफरियाव बाहागो लायो। राष्ट्रपति भवनआव खुंनय हाबाफरियाव गाहाइ मन्थि मदि, ले डाइ हादरगिरि धनखड, गाहाइबिजिरिगिरि डिवाइ चन्द्रचुड, मिरुनि रैखाथि मन्थि राजनाथ सिंह, मिरुनि सावसि मन्थि जेपि नडडा आरो माखासे राजथान्दैफोराबो बाहागो लायो। उदांसि साननि सानसे सिगां हादरगिरिया गोदान दिल्लीयाव थानाय माहारियारि दावहा गोसोखों खाम्फायाव दावबायहैयो आरो मुंक्लंफोरनो बिबार बाउयो। मख'जाथावदि, सोनाब बंग'आव ट्रेनि लाबाय थानाय डकरखौ जिनाहारि खालामनाय आरो बुथारनाय जाथायखौ लानानै हादतनां सुबुफोरनि गेजेराव खुदिसारनायखौ नुनो मोन्दों। बेखौ लानानै गाहाइ मन्थि मदिया उदांसि साननि



बिबुंथियाव लालकिल्लानिफ्राय गोथौ दुखु मोन्नाय फोरमायो। बिथाड साफ्रोमबो आइजोनि सायाव जाथावना अनागार जाथायफोरखौ गोथौथै लागोन होना खौरं होनायजों लोगोसे बेबायदि अनागारि मावग्रा सुबुफोरनि गोसोआव फासिनि गिखानाय लाबोनाया गोनंथार होना बुडो। बिथाडा बेफोर बायदि गिख'थाव जाथायनि दायनिगिरिया मोनो हाथाव गोखों साजाखौ लानानैबो गुवारे सावरयानांगोन गोनंथि दड होना बुंथियो। बिथाड गानि बिबुंथियाव बुंबावोदि, थानाय बोसोरफोराव उमेन लेड डेभेलपमेन्ट मडेलआव बिथामोनाहा खामानि मावदों। इनभेशन, साखि-बाखि एबा

उद्यगनि बिथिडवोनो जाया मानो मोनफ्रोमबो फोथाराव आइजोफोरनि बाहागोया बांबोगासिनो दड। आइजोफोर शोयारि जाफानायल' नडा, आइजोफोर दैदेनलांगसिनोबो दड। नाथाय फारसेथिं माखासे जिगानि बाथ्राफोरबो फेदों। जौनि हादतआव आइजो माहारिनि सायाव जाय बायदि

इनाइ अनागार जादों बेनि फारसे हादतआ रागा जोंखोंदों आरो सरासन्धा सुबुफोरनि खुदिसारनायखौ हादतनाडै नुनो मोन्दों। सुबुफोरनि बे खुदिसारनायखौ बिथाड गावबो मोन्दाथिदों आरो बिखौ हादतआ, समाजआव आरो राज्ज्यो सरकारफेय गोथौथै नोजोर होनांगोन होनानैबो गाहाइ मन्थिया बुडो।

भवानिपुर जथाय देहा मिरुआव जिबौ सौनायनि फाहामथाय मिरु बेखेवदों

भवानिपुर, 16 आगस्ट: भवानिपुर जथाय देहा मिरुआव मैया गोदान गायसनजाना जिबौ सौनायनि फाहामथाय मिरुखौ बेखेवनाय जायो। जिबौ सौनायनि फाहामथाय मिरुखौ बेखेवनाय होयो बजालि जिल्लानि जिल्ला बेंगिरि मुदुल कुमार दासआ। जिबौ सौनायनि फाहामथाय मिरु बेखेवनाय गानि बिबुंथियाव बुडोदि, जिबौ सौब्ला बिज्ञानआरि आदबनि फाहामथाय दडन। जिबौ सौनायनि बिज्ञानआरि आदबनि फाहामथायखौ आधिखालनि गुबुन गुबुन सरकारि देहा फाहामसालियाव लासैथै मोनो हादों। आधिखालाव जिबौनि अन्जिमाया बांनो हमनायनि थाखायनो जिबौ सौजानायनि अन्जिमायाबो बांनो हमदों। बेनि थाखाय देहा फाहामसालिफोराव जिबौ सौनायनि फाहामथाय मिरु गायसन्नायनि गोनंथि जानानै फेदों। बजालि जिल्लानि सदर पाठसालानि बजारि जथाय देहा मिरुआव थानाय बोसरनि अक्करव दानआव जिबौ सौनायनि फाहामथाय मिरुआ जागायजेन्दोंमोन। दासिम 10 दाननि गेजेराव बजालि जिल्लायवा सा 180 सुबुफोर जिबौजों सौजादों आरो बजालिनि पाठसालानि जिबौ सौजानायनि फाहामथाय मिरुआव जिबौ सौजानाय सुबुफोर फाहामथाय लादों। भवानिपुरनि जिबौ सौजानाय फाहामथाय मिरुनि गेजेरजोंबो सुबुफोरनो रैखाथि आरो मुलाम्फा होनो थाखाय मिरुखौ गायसन्नाय जादों। भवानिपुर जथाय देहा मिरुनि महकुमा फाहामथाय बिबानगिरि डा: देबजित चौडुरीआ दैदेनाय जिबौ सौजानायनि फाहामथाय मिरुनि बेखेवनाय हाबाफरियाव बजालि जथाय देहा मिरुनि महकुमा फाहामथाय बिबानगिरि डा: दिपि चौडुरीआ आलासि महरै बिबुंथि होयो। लोगोसे सरुपेटा खाजोना बेंखन बिबानगिरि सन्तुष कुमार नाथ, भवानिपुर गुदि देहा मिरुनि लेड्ड बिबानगिरि डा: निलमनि दास, देहा फाहामगिरि डा: तारिफ हुसेइन, डा: चिरिन्जब दासआबो आलासि महरै बाहागो लायो।

उदांसि सानआव गुवाहाटीनिफ्राय गोबां वमा बोखांनानै मोन्दों

गुवाहाटी, 16 आगस्ट : आसामाव 15 आगस्टखालि गुवाहाटीआव बै समाव गोबां दुंहाव थासारि नुजाथियो जेब्ला माखासे जायगाफोराव बमा दोन्नायनि बाथ्राया सोराडव फेयो। होबथाजानाय आल्फा-आइआ बृहस्पतिबारखालि दाब 24 जायगाफोराव बमा दोन्दों होन्ना दाबि खालामनायनि उनाव रेखाथि हान्जाफोरा बे बमाखौ नागिरनायनि थाखाय हान्जाफोरखौ खामानियाव थिसनो। नगाव, लक्षिमपुर आरो शिबसागरनि माखासे जायगानि पुलिस



बिबानगिरिफोरा दाब-8 जायगाफोरनिफ्राय बमा बायदि जेना गोनं मुवा बोखांनो मोन्दों होन्ना दाबि

देखादों। बे राज्ज्योनि दाब 24 जायगाफोरनि गेजेराव दाब 8 आ गुवाहाटीयावमोन। बेयाव दिसपुराव थानाय आसामनि गिबि मन्थि शर्मा आरो गुबुन मन्थिफोरनि सरकारि क्वार्टरफोरनि खाथियाव थानाय मोनसे उदां फोथाराबो दं फायो। गुवाहाटी नोगोरमनि नारेंगियाव सेना छावनी फारसे थानाय सदगाव लामायावबो बमा बोखानो मोनो। बेनि अनगायै राजथावनि आरुम रड, पानबाजार, जराबाद, भेतापारा, मालिगाव आरो राजगरआवबो बमा बोखानायनि खौरं मोन्नाय जादों। सासे गागि पुलिस बिबानगिरिया फोरमायदोंदि,

इनाइडेड लिबोरेशन फ्रन्ट अफ आसाम एबा आल्फा-आइनिफ्राय मिडिया हाउसफोरनो मोनसे इमेल दैथाइहरदों। बेयाव उतखारि आफादा बुंदोंदि, गावसोरनि दोन्नाय बेफोर बमाया टेक्नीक जेनानि जाहोनाव बेरफुवाखैं। बेफोर बमानि गेजेराव मोन 19 बमाफोरनि थि जायगाखौ सिनायथिनाय मोनसे फारिलाइबो उतखारि आफादा दैथाइहरदोंमोन। जेरव फुनि 6 रिगानिफ्राय सानजौफुसिमनि गेजेराव बमा बेरफुगोन होन्ना दाबि दैखादोंमोन। बमा दोन्नायनि खौरं मोन्नाय लोगो-लोगो रैखाथि हान्जा आरो पुलिसफोरा बमा नायसनाय हाबाफरिखौ जागायनानै गुवाहाटी नोगोरनिफ्राय मोन 8 बमाफोरखौ बोखानो हायो।

Lost

I have lost my Migration Certificate of Assam Higher Secondary Education Council under the Registration No-358980/2021-22.

If anybody have found please inform the following address.

Name- George Daimari
S/O- Muntu Daimari
Vill- Jhakara
P.O- Ambagaon
Pin- 784510
P.S.- Harisinga
Dist- Udalguri
Mobile No- 9365782347

Lost

सहित्य अकादेमि 2025 माइथायनि खुदिया थुनलाइ बान्थानि थाखाय गनायथिजानाय मोन नैजिबे(24) रावनि लिगिरि, लिगिरिफोरनि थाखाय मोजं हास्थायगिरि आरो फोसावगिरि बिथामोनिफ्राय बिजाव हांखायदों। बिजाव गु(9) निफ्राय जिड(16) बोसोर वैसोसिमनि खुदियाफोरनि थाखाय सोरजिनाय जानांगोन आरो बे बिजाबनि गिबि फोसावनाय बोसोर 2019, 2020, 2021, 2022 आरो 2023 (थामहिनाब 2019 नि 1 जानुवारीनिफ्राय 2023 माइथायनि 31 दिसेम्बरसिमाव) फोसावनाय जानांगोन। बे बान्थायाव नोगोद 50,000/- रं आरो मोनसे प्लेग थानोन। आर'जलाइ गथायगिरिया थख'लाइखौ सुफुनानै गानि फोसावनाय बिजावखौ गानैथै फेगौ 2024 नि 16 सेसेम्बरसिमाव जौनि थखव सोहैनाय बादि दैथायहरथारनांगोन। बान्थानि थाखाय आवुडै मिथिनोब्ला जौनि साहित्य अकादेमिनि www.sahitya-akademi.gov.in वेबसाइटआव थानाय खुदिया थुनलाइ बान्थानि नेमखान्थिफोरखौ नायनो हागोन।

मुंसाइ- (नेहाथारि)
CBC-09104/12/0004/2425 साहित्य अकादेमी, नई दिल्ली

Lost

I have lost my original HSLC Admit Card bearing Roll No- B04-434 No.0060, HS Mark-sheet and Pass Certificate bearing Roll-0295 No. 20070, D.El.Ed. Mark-sheet 1st Semester, 2nd Semester and Pass Certificate bearing (KKHSOU) Enrollment No. 13036859 of 2013-14, TET Mark-sheet bearing Roll No- 1353161 Reg. No- 114492, Appointment Order bearing Memo No- 26100791 and BTC/(Edn(EI)/937/2011/363/KOKRLP0791.

If anybody have found Please inform the following address.

Name- Purabjyoti Roy
S/O- Khirod Chandra Roy
Vill- Kokrajhar W/No- 08
P.O.- Kokrajhar
P.S.- Kokrajhar
Dist- Kokrajhar

Lost

I have lost my Class VIII Passed Certificate, Session 1986 of Bijni Bidyapith H.S.School bearing my class Roll No-29.

If anybody have found please inform the following address.

Name- Mamata Mazumder
D/O- Bankim Ch. Mazumder
Vill- No.2 Chatianguri
P.O.- Bijni
Dist- Chimgang
Mobile No- 9101966867.

आसामाव हिन्दुफोरनि अन्जिमाया दावखलायदों आरो मुस्लिमफोरा बांदों: गिबि मन्थि शर्मा

माइक्रसफ्टनि उनाव गुगलआ स्केमार्सनि नंखाय इ-मेल हरनायनि सांग्रांथि होदों

गुवाहाटी, 16 आगस्ट : गिबि मन्थि हिमन्त बिश्व शर्माया हिन्दुफोरनि सुबु अन्जिमाया दावखलायनाय आरो मुस्लिमफोरनि अन्जिमा बांनयखौ जिंगा फोरमायदों। माहारियारि उदांसि सानआव फिरफिला बिरहोनायनि उनाव बिबुंथि लाखिनाय समाव बिधाडा बुडोदि, हिन्दुफोरनि अन्जिमाया दावखलायनाय 57 जौखोन्दोल' दसें। नाथाय मुस्लिमफोरनि अन्जिमाया बारायै बारायै 41 जौखोन्दो दावखलायखो। बेयो जॉनि थाखाय गोथौ जिंगानि बाश्रा। राइज्यो सरकार आसामाव सुबु



सानखोखौ बेलेन्स खालामना लाखिनो गाहाइ नोजेर होगासिनो दड आरो जौ हादतनि गुबै सुबुफोरनि मोन्थाइखौ रैखाथि होनायनि लामायाव खामानि मावगासिनो दड। गवालपारा, बरपेटा आरो माखासे गुबुन जायगाफोरव गुबै थागिबि सुबुफोरनि हाखौ गुबुन धोरामनि

बिथांखिफोरनि बागैबो मिबथिहोयो। हाजों लोन्बा थानाय जेनाफोरखौ बाडाइ खालामनायनि थाखाय बिधाडा फैगौ 2 अक्टबरआव बसुन्धरा 3.0 खौ जागायगोन होन्ना फोसावो। गिबि मन्थिया मिबथिहोनाय बायदिब्ला दर 74 गोदान जिल्ला एबा महकुमा फसनाय जागोन आरो सिखनाझारआ आसामनि 8 थि माहारियारि पार्क जागोन। गिबि मन्थि शर्माया बांलादेशआव सोलिबाय थानाय थासारिखौ लानानै जिंगा फोरमायनायजों लोगोसे गाहाइ मन्थि मदिनिसिम न'सुसे हादतआव थानाय हिन्दुफोरनि रैखाथिखौ रोखा खालामनो थाखाय गासैबो रोखोमनि सोलोखान्थियारि रहाफोरखौ अजावनो खवलायो। हादतनि

78 थि उदांसि दानआव माहारियारि फिरफिला बिरहोखाना आसामनि गिबि मन्थिया बुंवावदोंदि, खौसेथि हादतनि थाखाय बयबो इंगजफोरजों दावहा नांदोंमोन। रावबो हादतखौ बोखावनाय एबा गावसानायखौ हास्थयायखौमोन। हादतनि सिमनाफोरनि रैखाथिया संबिजिरादि बिबान होन्ना फोरमायनाय गिबि मन्थि बिएसएफ आरो आसाम पुलिसनि बांलादेशजों नांजावनाय हारिमायायि सिमनाखौ रैखाथि होनायनि थाखाय साबायख'र होयो। बिथांमोनहा एबा सिमना रैखाथि हान्जाया रावबो जॉनि हादतआव ओरैनो हावनो हाया होन्ना रोखा दिन्थिदों।

गोदान दिल्ली, 16 आगस्ट: माखासे सान सिगां माइक्रसफ्टआ मोनसे एडभाइजरि फोसावनानै फोरमायदोंदि, उइन्डस इजजारफोर क्राउडस्ट्राइक बादि आउटेजजों फिन मोगा-मोगि जानानो हागौ। अदेबानि बे सांग्रांथिखौ भारतयारि इजजारफोरनि थाखाय होनाय जायाखैमोन। भारत सरकारआ माइक्रसफ्ट उइन्डज इजजारफोरनि थाखाय सांग्रांथि होदों। इन्डियन कम्पिउटर इमार्जेन्सि टीम (सिइआइएटि) आ भारतआव माइक्रसफ्ट उइन्डज इजजारफोरनि थाखाय मोनसे एलाट फोसावदों। गुगलआव मोनसे एडभाइजरि फोसावदों। गुगलनि थ्रेंट एनालाइसिस ग्रुप (टिएजि) आ इरान सरकारआ सापर्ट



खालामनाय फिशिं केम्पेनआ सुबुफोरखौ माबोरै थांखि खालामदों। गुगलनि फोसावदों। बे ग्रुपखौ एपिटि 42 मुडै मिथिनाय जायो। बे क्रेडेन्सिएल फिशिं एक्टफोरनि गेजेरजों इजराइलजों आमेरिकानि हादरगिरि बिसायख'थिजों लोन्बा गोनं एकाउन्टखौ थांखि खालामगासिनो। गुगलआ बलगआव फोरमायदोंदि, इराननि इस्लामिक रिभल्युसनरि गार्ड कर्पस (आइआरजिसि) जों लोन्बा थानाय एपिटि 42 आ लान्थियै इजराइल आरो आमेरिकायाव हाइ प्रफाइल इजजारखौ थांखि खालामो। बेनि बे'खनआव गोजाम आरो दासिमबो खामानि मावगासिनो थानाय सरकारि बिबानगिरिफोर, राजखान्थियारि अभियान, रजथान्दै, थिंक टैंकआव खामानि मावग्रा सुबुफोर फैदों। बेनि अनगायैबो सरकारि आफाद आरो सोलौंथाय फसंथानआवो बे फारिलाइआव दड, जाय गुबुन हादरयारि खांथिआव बिहोमा होयो। गुगलआ गावनि बलगआव बे बाश्राखौबो मिथिहोदोंदि, बे गुपआ

खंडलआव मोबिलिआरि खामानि
इ-टेन्डर फोसावथाय नं. आरएनवाइ-इएएफ-ए-03-2024-25। गाहायव फोरमायनाय खामानि थाखाय इ-टेन्डर होखायहदों। खामानि मु: खंडल-रिंका डिभिजननि सिबिडिअव क्लार्कनिफ्राय अफिससं क्लार्कनि सोलायनायजों लोन्बा थानाय मोबिलिआरि खामानि। टेन्डरनि बेसेन: 10,88,720.20/- चं। अग्रिम नं: 20,900/- चं। टेन्डर बन्द जाययनि अक्ट' आरो सम: 06-09-2024 अक्ट'नि 13:00 रिगायाव। गोजीयाव फोरमायनाय इ-टेन्डरनि टेन्डर लाइजों लोमोसे आबुं मिथियायखौ वेबसाइट www.ireps.gov.in आव मोनो हागोन।
सिनिबर डिडि, रीइया
सा-सान्जा सिमना रेलवे
"मिन्थियै प्राक्कोनिमि सिबिथाय"

एसएलआर लिंसिनि थाखाय इ-निताम
03 नुननि थाखाय सिंगेल टियु बिथायव कानिहार डिभिजननिफ्राय काबोनाय ट्रेनि एसएलआरनि लिंसिनि थाखाय इ-निताम। फोरमायथि: एसएलआर कचआव (सिंगेल कम्पार्टमेन्ट) पार्सेलनि जाया। निताम जागायजेनाय अक्ट' आरो सम (गासैबो लट): 27-08-2024 अक्ट'नि 11:00 रिग। निताम बन्द जाययनि अक्ट' आरो सम: 27-08-2024 अक्ट'नि 11:50 रिग। टै इन्डि: मोनक्रोमो दिनि लाइसेन्सि फिस।
निताम केटालग नं: केआइआर-एसएलआर-24-25
फारि. लट नं/थाखो टिपस/सान
ए/1 05679-एसएलआर-एफ-ए-एन-ए-विद्युत्समा-24-1 (पार्सेल-एसएलआर) 26
ए/2 05697-एसएलआर-आर-ए-एन-ए-विद्युत्समा-24-1 (पार्सेल-एसएलआर) 26
ए/3 05697-एसएलआर-एफ-ए-एन-ए-विद्युत्समा-24-1 (पार्सेल-एसएलआर) 26
बिडफोरखौ आइआरएफिस वेबसाइट www.ireps.gov.in आव इ-निताम मडिडल नायनो खावलायहवाय।
डिभिजनले रेलवे मेनजर (सि), कानिहार
सा-सान्जा सिमना रेलवे
"मिन्थियै प्राक्कोनिमि सिबिथाय"

गिबि मन्थि ममतानि दैदेन्नायाव टिएमसिया रेलि खालामदों

गोदान दिल्ली, 16 आगस्ट : सोनाब बंग'नि गिबि मन्थि ममता बेनार्जीनि दैदेन्नायाव दिने मोनाबिलि

समाव मोनसे रेलि खालामनाय जायो। कलकातायाव खु'फु'नाय बे रेलिखौ आरजिके एआर मेडिके ल कलेज एन्ड हस्पितालआव ट्रेनि लाबाय थानाय डक्टरजों जालानाय अनगारनि हेंथायै खालामदों। सोनाब बंगनि खु'थायाव थानाय टिएमसि आरो बेरेखा दोलो बिजेपिआ बे जाथायनि हेंथायै धर्ना खालामदों। गिबि मन्थि ममता बेनार्जीखौ बिबान एंगारनागो होन्ना दाबि दैखानानै बिजेपिया कलकाताजों



लोगोसे नो सिबिआइनो आलिटेमट होबाय होनावो बिधाडा बुडो। आरजि केएआर मेडिके ल कलेज एन्ड हस्पितालआव डक्टरफोरनि धर्ना होनाया सोलिगासिनो दड। डक्टरफोर सोनाब बंग' पुलिसआ के सखौ मोजं रोखोमै सामलायाखै आरो बे जाथायनि गुबै फोरमानखौ सिबिलिखार खालामदों होन्ना रोखों दाय जाबसिन्दों।

बेनार्जीआ फैगौ रबिबारनि गेजेराव दायनिगिरिफोरखौ साजा होनागौ होन्ना बुडो।

No.DPRD/BTC/15FC/UT-V/Baksa-2/2024/21 Dated Kokrajhar the 12th August 2024

PRESS NOTICE

The Director, P&RD, BTC, Kokrajhar invites bids for work "Const. of road with E/F & S/G from Udugao to Khusrabari Barpeta Pucca road along with 2 Nos of slab culvert" Under 15th FC (Untied Grant) for the year 2022-23 during 2024-25, for A/A amount of **Rs.40,00,000/- (rupees forty lakh) only** from the registered contractors of Class - II (A,B & C) category of Assam PWD (Roads) / (Building), BTC.

Details may be seen at website <http://assamtenders.gov.in> and also at the Office of the undersigned during office hours.

Sd/-Director,
Panchayat & Rural Development,
BTC, Kokrajhar

IPR(BTC)/C/2024-25/304

No.UDB/Tender/01/2022-23/ Date 16/08/2024

SHORT NOTICE INVITING TENDER

Sealed tender affixing a non-refundable Court fee stamp of Rs. 8.25 (Rupees eight & twenty five paise) only with a validity period of 180 Days which will be converted and drawn up in the printed of F-2 form are invited from the registered contractors of Class-II and Class-I (A, B & C) category of Assam PWD (Road & Building) and BTC according to their eligibility for submitting tenders for the works under SOPD & various schemes under BTR for the year 2023-24 & other financial years as stated below. The tenders will be received by the undersigned up to 12.00 Noon on 09/09/2024 and will be opened on the same date & place at 2.00 P.M.

Sl. No.	Name of work	Tender Amount (In Lakhs)	Cost of Tender Paper	Time of Completion of Work
1	Const. of E/F & S/G road with 2 hume pipe in Dhulasubari village (Gelagaon subba) under SOPD	15,00,000.00	Rs. 500.00	3(three) months from the issue of Formal Work Order
2	S/G road from Nalbari CC Block road to Ringudamsa with HPC under SOPD	9,00,000.00	Rs. 500.00	3(three) months from the issue of Formal Work Order
3	Const. of 3 nos HPC at Kashipur near canal	12,00,000.00	Rs. 500.00	3(three) months from the issue of Formal Work Order
4	Const. of road with E/F & S/G at Kashipur from sub canal to Bandarguri LP School	14,00,000.00	Rs. 500.00	3(three) months from the issue of Formal Work Order

Detailed N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 17/08/2024 to 09/09/2024 in the office of the undersigned on payment.

Sd/-
Block Development Officer,
Udalguri Development Block

IPR(BTC)/C/2024-25/309

No.DDB/15th FC/34/2023/1388 Date 13/08/2024

NOTICE INVITING TENDER NO. 1388

Sealed tenders with a validity period of 180 days from the date of receipt in prescribed form affixing non-refundable court fee stamps of Rs. 8.25/- (Rupees Eight and Twenty Five Paise) only subsequently to be drawn up in printed F-2 form are hereby invited from the Govt. registered PWD (Roads and Building), P&RD and other Govt. registered contractor's under Class-I (A/B/C) Class-II and Class-III category from approved firm according to tender limit of eligibility for the following works under 15th FC (Tied Grant) for the year 2022-23 during 2024-25 and will be received in the office of the undersigned up to 12 PM on 07/09/2024 and will be opened on the same date and placed at 2:15 PM in the presence of willing contractors or their authorised agents.

Sl. No.	Name of Block	Name of work	A/A No.	A/A Amount in Rs.	Tender Amount in Rs.	Earnest Money	Completion Period
1	Dhamdhama Dev. Block	Const. of community toilet at Baganpara VCDC office	No.BTC/FC-Cell (15 th FC-Tied)- 112/2023/Baksa/212	11,00,000/-	11,00,000/-	2% in case of Gen and 1% in case of ST/SC/OBC	90 Days

Details NIT may be seen in all working days in the office of the undersigned. Tender paper will be issued to the contractors or their authorized agent up to 12:00 Noon on all working days from 17/08/2024 to 07/09/2024 in the office of undersigned on payment of the form of Banker Cheque/Demand Draft of any National Bank duly Pledged in favour of the BDO Dhamdhama payable at Mushalpur/Baganpara.

Sd/-
Block Development Officer,
Dhamdhama Dev. Block, Baganpara

IPR(BTC)/C/2024-25/303

No.JDB/15th-FC/VI/6/2023-24/7937 Date 14/08/2024

NOTICE INVITING TENDER

The Block Development Officer, Jalah Development Block, Jalahghat invites bid for implementation of following works under 15th FC (Untied Grant) in BTC for the year 2023-24 during 2024-25. The approval and eligible contractor/ Firm Class-I (A, B, C) & Class-II category registered with Assam PWD (R&B).

Sl. No.	Name of Scheme	Tender Value (In Lakh)	Time of Completion	Tender Cost & Earnest Money & Date of Tender
1	Const. of road with E/F and S/G from Bathou Mandir to Dharmeswar Boro house at Thajoguri village under Jalah Dev. Block in Baksa Dist.	21.00	180 days from the date of issue of Final work order.	1. Tender cost @ 0.02% of A/A amount to be pledged by Bank Draft in favour of Principal Secretary, BTC. 2. Earnest Money @2% (In case of ST/SC/OBC 1%) of estimated value 3. Bidders are specifically requested to inspect the field are study the working condition before submitting their offer/ bid. 4. The sealed tenders will be received through online up to 2.00 PM and opened at 2.30 PM on 06-09-2024

- Details NIT may be seen at the website www.assamtenders.gov.in and also in the office of undersigned during office hours.
- The contractor/ Bidders must be registered with the E-Tendering system (ETS) of the Govt. of Assam website (www.assamtenders.gov.in) for participating in the bidding process. The bidding documents may be downloaded through the portal www.assamtenders.gov.in by using their own ID.

Sd/-
Block Development Officer,
Jalah Dev. Block Jalahghat

IPR(BTC)/C/2024-25/308

No. NDB-05/SOPD/2023-24/4532 Dt.10/08/2024

Tender No. 07 of 2024-25

PRESS NOTICE

NOTICE INVITING TENDER (For offline of Multiple works)

NO.NDB-05/SOPD/2023-24/4532, Dt.10/08/2024, Sealed tenders are invited affixing a non refundable court fee stamp of 8.25 (Rupees Eight & paise twenty five) only on behalf of Nagrijuli Dev.Block (P&RD) from the intending contractors/ Suppliers/ firms for the work mention below:-

Sl. No.	Name of Work	Estimated Amount/ Value (in lakh)	EMD Bid Security (in Rs.)	Tender Fess (in Rs.)
1	Renovation and Completion of All Bodoland Small Tea Growers office at Nagrijuli under Nagrijuli VCDC for the year 2024-25	Rs.15.00 L	15,000/-for SC/ST 30000/-for Gen.	450/-
2	Construction of S/G road from Narayanpur Village main road to Lengha Bazar via Chandrapur Village road for the year 2024-25	Rs.10.00 L	10,000/-for SC/ST 20000/-for Gen.	300/-
3	Construction of S/G road from joypur LP School to near Companibabari dong for the year 2024-25	Rs.10.00 L	10,000/-for SC/ST 20,000/-for Gen.	300/-
4	Construction of Community Hall at Lotibari for the year 2024-25	Rs.17.00 L	17,000/-for SC/ST 34,000/-for Gen.	510/-
5	Construction of Community Hall at Kalcheni for the year 2024-25	Rs.17.00 L	17,000/-for SC/ST 34,000/-for Gen.	510/-
6	Imp.of E/F and S/G road from Phukan Das house to Dilip Das house via Pradip Baro house,Niz Defeli under 6 th ASFC fund for the year 2022-23 during 2024-25	Rs.7.00 L	7000/-for SC/ST 14,000/-for Gen.	210/-

Pre-bid date and time : 09/08/2024 at 4 PM ; Last date & time of bid submission : 29/08/2024 at 2.30 PM
Date & time of bid opening : 29/08/2024 at 3.00 PM

Tender documents can be obtain from the office of the BDO,Nagrijuli on any working days/hours up to 4.00 PM from 09/08/2024 to 29/08/2024 or in <https://sppp.assam.gov.in>. A pre bid meeting will be held as mention above. The address for the meeting is O/o the BDO,Nagrijuli Dev.Block.The bid will be opened in the office of the undersigned as per the schedule mention above. The TIA reserves the right to accept or reject any bid tender and to cancel annual the bidding process and reject all bids at any time prior to contract award.

UNSEALED TENDER WILL SUMMARILY BE REJECTED.

Name of the TIA:- Sarowardi Miah,BDO
Address of the TIA:-Nagrijuli Dev.Block,Nagrijuli

IPR(BTC)/C/2024-25/306

No.KDB-415/15th FC/2023-24/9612 Date the 16th August, 2024

NOTICE INVITING TENDER

Sealed tender affixing a non-refundable court fee stamp of Rs. 8.25 (Rupees eight & twenty five) only with a validity period 180 days, which will subsequently to be covered and drawn up in the printed of F-2 form are invited from the registered contractor Class-I (A, B, C) & Class-II categories Assam P&RD and BTC, according to their eligibility for submitting tenders for the works under 15th FC fund for the year 2023-24 as stated below. The tender will be received by the undersigned 2.00 PM of 06-09-2024 and will be opened on next day at 3.00 PM.

Sl. No.	Name of work	Location	A.A. Amount (Rs. In lakh)	Cost of bid document	Amount of bid security	Time of completion	Remarks
1	2	3	4	5	6	7	8
1	Const. of Community Toilet at Saint Paters Catholic Church at Kumguri compound	Raimona	Rs. 11.00 L	0.03%	SC.ST=1% OTH=2%	3 moths	
2	Const. of Community Toilet at Amritpur CNI Church compound	Raimona	Rs. 11.00 L	0.03%	SC.ST=1% OTH=2%	3 moths	

Details N.I.T may be seen in all working days during office hours in the office of the undersigned tender will be issued to the contractors of their authorized agent from 17-08-2024 to 06-09-2024 in the office of the undersigned on payment in the form of demand draft/banker's cheque from any Nationalized bank duly pledged in favour of the BDO, Kachugaon Dev. Block, Gurufela.

Sd/-
Block Development Officer,
Kachugaon Dev. Block, Gurufela

IPR(BTC)/C/2024-25/300

नेलकाटारआव मोनै फिसा दाबा सुरिखौ मानो होफानाय जायो ?

आथिखालाव जोडे गासैबो खामानिखौनो गोरलैये आरो बाइइ समावो मानो हानायनि थाखाय बायदि रोखोमनि आइजें आइला आरो हाथियार एबा दाजेमफोरखौ बाहायो। बेबायदिनो आसिन आसुगुर हास 'नो थाखायबो आथिखालाव जोडे ब्लेडनि जायगायाव नेलकाटारखौ बाहायसै। देहाखौ साखोन-सिखोनै लाखिनायनि गेजेरजों जोडे जॉनि हाथायखौ सानफ्रोमबो ब्रास खालामो, दुगैयो लोबो आरो आसुगुर हानायाबो जॉनि जिउ खुनायनि मख 'जाथाव खामानि। बेबायदिनो आसुगुरखौ साखोन-सिखोनै लाखिनायाबो गोनांथार। मानोना जों गासैबो जाग्रा मुवाफोरखौ



आखायजों जायो। जाग्रा आदारखौ जानाय समाव जॉनि आखाय एबा आसुगुरनि गेजेरजों माखासे जिउसाफोर देहा सिडव हाबनायनि खाबु मोनो। बेनि जाहोनाव माब्लाबा समाव गोबां देहायारि जेंनाबो सोमजियो आरो माखासे बेरामफोरनि जाहोनबो जाना फेयो। माखासे सुबुंफोरहा आसुगुरखौ सावसुबग्रा गात्रि हुदा थायो। बे हुदानि गेजेरजों ख 'हा गोनां बेक्टेरिया आरो भाइसआ जॉनि खुगानिफ्राय आसिसिम आरो बेनिफ्राय आसुगुरनि गेजेरजों महर मोखं एबा देहानि बिगुरफोरवबो गोसारनो हागौ। बेनिफ्राय जॉनि देहायाव इन्फेक्सननि खैफोदआ बांसिन जाबोयो। बेबायदि गात्रि हुदानिफ्राय उदां जानो थाखाय खायसे सुबुंफोरा गोबां नाजायोब्लाबो बारा 'नो हाया। आथिखालाव जों बयबो बाहायनाय नेलकाटारखौ गाहायै आसुगुर हानो थाखाय बाहायनाय जायो। नोजोर होथावदि, मोनसे नेल क्लिपारआव गोबो दाबा सुरिबायदि मोनै ब्लेडबो थायो। बेफोरखौ नेलकाटारआव मानो होफानाय जायो बेनि जाहोनखौ जॉनि गेजेरव गोबां सुबुंफोरनो मिबथिया। नाथाय बेनि गुबै जाहोनखौ मिबथियोब्ला नोथाडबो सोमोनांगोन।



नेलकाटारनि गेजेरव थानाय मोनै दाबा सुरिखौ जों गोनांथि जानाय बायदिथै खामानियाव बाहायनो हानाय जायो। बेखौ आसुगुर हानाय एबा आसुगुरखौ हुश्रोदना क्लि खालामनायनि अनगायैबो गुबुन माखासे खामानिफोरावबो बाहायनो हायो। मख 'नो गोनांदि, नेलकाटारआव होनाय ब्लेड एबा दाबा सुरिखौ होफानायनि उनाव बेनि बाहायजानाया बांसिन जाना नै फेदों। बेयो जोबोद फिसाब्लाबो माखासे गोनांथार खामानियाव होयो आरो जेरावखि जाया लानानै थानोबो हायो। बेखौ मावेबा गुरै मुवाखौ हानाय, ड्रिलिं खालामनाय आरो बथलनि मुखा खेवनायावबो बाहायो हायो। बेफोरनि अनगायै नेलकाटारआव होबथानाय फिदिंजानाय ब्लेड एबा दाबा सुरिखौ जों गुबुन गुबुन खामानियावबो बाहायनो हायो।



मुलुगनि दरसेल' हादत जेराव रावखौबो क्राइम मावनाय मोना आरो जोबथेसालिया लादां जाना थायो



मुलुगनाडै गोबां औरैबायदि हादतफोर दड; जेराव दावबायनाया रेखाथि गोनां नड। बेफोरनि बबेबा हादतआ उतरखारिनि गोहोमजों सोलिनय आरो खायसेया निखावदि उखैहाबनाय बायदि जाहोनाव लुथिनय आरो जिउ फेजोबनाया सरासन्सा बाशा। बिबिदयाव पुलिसआबो गोखौ हाबाफारि मावनांगौ जायो। बेराफारसे माखासे हादतफोर दड; जेराव बेफोरनि उल्था एबा क्राइम दावराव-दावसि बायदिथै गैया होना बुजायो। अदेबानि बेफोरनि गेजेरवबो दरसे हादत दड; जेराव क्राइम रिक्ट नागिरना मोना आरो जोबथेसालियावबो रावबो दायनिगिरिखौनो नुनो मोना। नोथाड बेखौ फोथायनो गोब्राब मोन्दोब्लाबो बे बाशाया सैथो।

आय सिखोला

आय, सिखोला आखाइआव लरहायनाय बिबारनि माला राव गैया फाव गैया खोमसि दरसि थायो नों मेगनाव थरथिसे मोदें लाना सम-सम बारदें सिखोलानि महर नों दागाबसै सिखोला दागाबसै नों दसेनि थाखाय जोमैआ साग्लोब दोंमोनब्लाबो अखा खोरमनाय सोदोब जों आदा फंवाय रावआ दानथि जादेंब्लाबो सोरां फिनबाय सिखोला दागाबसै सिखोला दागाबसै नों उन दाहा दाखालामसै नों

खालामना दोनो थाखाय एबा बेब 'स्थाखौ लाखिलानायनि थाखाय नवैनिफ्राय केदिफोरखौ लाबोनां दों मोन। अदेबानि निदारलेन्डआव जोबथेसालिया दासिमबो दड। नाथाय केदिफोरनि अन्जमाया जोबोद खम। बांसिनानो गुबुन हादतफोरनिफ्राय लाबोजानाय केदिफोर दड आरो बिसोरखौ नोजोर लाखिनाय थाखाय एंकल मनिटारिं सिस्टेमखौ बाहायनाय जायो। लोगोसेनो साजा भुगिनांनय सुबुंफोरनो लिरनाय-फरायनायनिफ्राय लानानै खामानि मावनोबो खाबु होनाय जायो। एंकल मनिटारिं सिस्टेमआ मोनसे डिभाइस, जायखौ न'आव नोजोर बन्द' खालामनाय लाखिजानाय सुबुंफोर एबा जोबथेसालियाव जोबथेजानाय केदिफोरा जेब्लायबो समावो गान्ना लानांगौ जायो। बेनि गेजेरजों केदिफोरा मोनसे थि सिमानि सिडव थायो। बिसोरो बेनिफ्राय बायजोआव थानो नाजायोब्ला एंकल मनिटारिं सिस्टेमआव थानाय रेडिअ फ्रि क्वेन्सिं सिगनेलजों पुलिसआ थाबैनो खौरं मोनहैयो। बेनि अनगायै बे सिस्टेमआ हादतआव बांसिनै क्राइम खालामनायखौ होबथायो।

उन दाहा दाखालामसै नों सिखोला मिथिया सिखोला लाफा सायख गावदों ना गाबाखै गाब्रि दों बर बिमानि राव हा,फिसा हौवा हा,फिसा हौवा गोमादों सोरनिबा फिसा मोनगोनबा सोरखौ बबे हबथायाव। आय, सिखोला बिबारनि महर लाना बरो नों आनि दरखं सेराव।

सचिन बसुमतारि
ला:सो: काशिकका
जिला-चिरां, बि.टि.सि.

रंजालि गथ'फोरनि सौरा

फैसि फैसि मोनो

सानबोलावरिजों नारसिन जानाय हरफोरनि बुब्लियाव... नॉनि रैसुमै गारांनि देखोफोरा आंनि हरनि निनखौ आवग्रिना लाफैयो, सिमानि राजखुग्रि जाना !

नों देखो रोजाबनाय मिजिफोरनि बुब्लियाव, नॉनि लाजिसुलि महर नॉनि गोदें गारांनि देखोफोरा... गोबोंआव आंनि रिफि फैयो.. अब्लानो, मिजिफोराबो आंनि नॉनि आनसोलावल' दाउबायो...

नॉनि लाजिस्तु मिनिनाय, नॉनि रैसुमै देखोफोराव गोबोंआव आं, नॉनिल' मिजि रनसायो नॉनि समायना महर साया माया आंनि सिमाडव नुजा फैयोब्ला... फैसि फैसि मोनो आं नोंखौ, आंनि गोबोंआव ।।

आलेरा बर'
बर' बाजार सोलोंसालिमा,
चिरां

इसारा

नों बुजिस 'या अनाय गुमुर इसारा मोजां मोनानायनि, आं आरो बेसेबादि हाखुर जायो नोंखौ आंगोनि खालामनो अनजालि।

मेगनि इसारा नोंखौ हास्थायखुमानाय हमदांस 'या नों आंनि हांखुरजानाय बेसेबादि नाजायो आं नॉनि गोसो खावखुमानो फेलें जायो आं बेखेवना होनो गोबों इसिनि राव।

मोजां मोनो आं नोंखौ जोबोरेंनो हास्थायो गोसोआ अराय मेगनि आन्दोआव नॉनो होबाय आं जोबनो गैयै अनायनि इसारा नाथाय, फेलेंसो नामा आंनि बिखौ हास्थायनाया।

गलाप खुंगुर बसुमतारी
बसगाव, कक्राझार ।

आइजोनि गोहो

जाय हायाव दैमाफोरा बोहैयो हालो दैलो बर' आइजोफोरनि गोहो आरो अनायाबो बिदिनो बोहैयो। दानाय जि-जोमफोरजों जिउगोनां हारिमु गोजों जोंखाडे बिसोरो गोहोजों समायना आरो दोरोखौ लाखियो।

बिसोरनि आखाइआ जेथो गोनां आरिमुनि गेजेरजों सल' बाथाफोरखौ दायो दोफ्रोमबो दखनानि खुन्दुड बिसोरनि सानस्तिनि बाहागो। फोबॉनि सम आरो सानफ्रोमबोनि जिउआव बिसोरो जोंखानो नाजायो बिसोरनि नुजाथिनाया आबुथि गोनां आरिमुनि फोरमान आरो गोथारथि।

खर'आव दाहानि अर थेवब्लाबो नोरुम आरो अनायजों बर' आइजोफोरा गोनांथार उनमोन्थायखौ बोजबनो नाजायो।

मोनफ्रोम मोसानाय दोंफ्रोम मेथाइ खन्नायजों बिसोरो आरिमुनि धोन उनमोन्थायखौ बरायो।

- अनजुमनि नार्जारी
ब्रह्म बाबा टेक्नो गोजू फरायसाली
दिमोलगाव, कक्राझार

सेवनाय सिमां

सिमांफोरा सोहोराव सावरायदोंमोन सह' सह' सैनांसिगोन सेवहांगार स्वाद सेजानाय सिल 'रा सोबजानाय।

सान्थि सिमां सैनाय सिमांगोजासो सारामाय साखोना सेरफाखाय सेरफाखाय सिमा सहैबाय सातगाथोन सानस्तिनिगोन।

सिखला सिमां सिं सुइबाय सियायबाय सारादु सानगोमोना सोगाबबाय सिमां सैग्राखौ सोरथो साफिनो सिमानि सिमां सिफायग्राजों ?

दैमासा ब्रह्म
चिरां

भारत उदांस्त्रि

खनसे नड खननै नड बार बार मोनसेनि उनाव मोनसे खनसेआव नागाराखै खननैआव नागाराखै। बार बार जेखौबो गियाखै जेखौबो नागाराखै। बायदि हाथियार, सिलायनि गुलि हाजार सुबुं माहारिनि बोहैग्लायनाय थै हायाखै होबथानो भारतरि बिग्रायारिखौ जोंखानाय उदांस्तिनि अरनि थांखिआव। गिनो रोडे नोंसोर बिर जोहोलाव जोहोलावजोफोरनि जिउनि दावहायाव थैनि लैथोआव सानस्तिनाय मुंखलं जालांबाय हादरनि थाखाय। हादर अनफावरि जोहोलाव जोहोलावजोफोरनि गिनो रोडिनाजानायजों महात्मा गान्धीनि अहिंसा खान्थिजों उदां जाबाय भारत बिमा हादर 1947 मायथायनि 15 आगस्ट 'आव। बिरहोबाय जों लांदां बै उदां अखोरांआव ओंथिगोनां मोन्थाम गाबजों भारत हादरनि फिरफिला जों जाबाय उदां उदांस्त्रि। गोसो खांबाय खुलुमहरबाय हादरनि मुंखलं दावहारफोरनिसिम बंदे मातरम, जै भारत बिमानि।

निरन्जन बसुमतारी
नतुन सनाफुर, गहपुर

गामि

गायजाब देरा ज़ाब ज़ाब सोमखोर बिफां - लाइफां ज़ाब ज़ाब, दाउसा - दाउसा दैमा - दैसा हाजो - हाला बोहेलां हाला हाला, रंगिना गाब गायो सनानि बिबार बारो आघोनाव मोनो माइनाव माइ माइसालि माइ। बेजोंनो समायो बेयावो रंजायो, बेजोंनो थाना थायो बेयावो थुंगेयो, मा गामि ? हाबाब मा गामि ? सां सां सोमखोर गामि जौसां सां।

रकी नार्जारी
बर' बाजार फरायसालिमा, चिरां

बेनो जॉनि भारत हादर

मोनथाम गाबनि फिरफिला बिरबाय हनै उदां अखोरांनि बिखायाव, रिंखांबाय हादरनाडैमाहारियारि संमेथाइ जन गन मन अधिनायक जय है बेनो जॉनि भारत हादर।

जों सिबियो हादरनि नेम खान्थि जों रंजायो दिनेनि गोथार उदांस्त्रि सानाव, जाफिमिनखौ बुरखाडे अहिंसा खान्थिनि इयुन जोलैनि हादर सिबिथाइखौ गोजोरै लाखिनो बेनो जॉनि भारत हादर।

हाजो-हायेन, लैथो-लैथोमाजों समायसारनाय हारि माहारिजों बुंफनाय समाजखान्थि, रेखाथि होयो जों अराय हादरनि मान फालियो जों हादरनि रंजाथाइ सान बेनो जॉनि भारत हादर।

निजोम बर'
पश्चिम पानेरि, उदालगुरि

गोरबोआ आरोदि बेसे गाबखांदों

जायसो खोमसियाव लामा गोमादों बिसोरसो मिथिसिगौ गोरबोआ आरोदि बेसे गाबखांदों उदां अखांनि जोथि सानखौ लामा नायैनो नाथाय समादि खारदों आरो खारदों।

सबिराम बर'
राबां, बागसा

कक्राझारआव 78थि उदांस्त्रि सान फालिदों

बाहागो लाफैनाय फरायसुला-फरायसुलिफोरा हादत अनफावरि मेथाइ रोजाबो आरो बायदिसिना हारि-माहारिनि मोसानाय दिन्थिफुङे।

फिरफिला दिखानानै मार्चपास्ट आजावनायनि उनाव रइजो-रजानो होनाय बिबुंधियाव गाहाइ मावफुं सोद्रोमा प्रमद बर'आ मिरु सरकार, रइज्यो सरकार आरो बिटिआर सरकारआ जुथायै मावफुंगासिनो थानाय जौगालु बिथांखिफोरनि सोमोन्दै फोरमायनानै होयो। बिथाङ रइजो-रजा सुबुंफोरनि मोर्जानि थाखाय सरकारिफ्राय आजावनाय बायदिसिना रहाफारि लानायखौबो बिबुंसारआव फोरमायो। बिथाङ भारतनि गाहाइ मन्थि नरेन्द्र मदि आरो रइज्योनि गिबि मन्थि ७ हिमन्त बिश्व शर्मामोनहा हादतनि आरो रइज्योनि रांखान्थियारि जौगाखानायनि बागै रइज्यो आरो हादतआ आजावनाय जौगालु बिथांखिनि मावफुंगासिनो थनाय हाबाफोरखौ बिबुंधिनि गेजेरजों फोरमायनानै होयो। बिथाङ गासैबो थाखोनि रइजो-रजाफोरखो गोजोन खौसैथि लाखिनो आरो ओन्सोलनि जौगानायनि थाखाय हाबा मावनो बयखौबो खावलायो।

बिटिआर सरकार सामलायनायनि उननिफ्रायनो बिटिआर ओन्सोलनि जौगानाय आरो गोजोन थासारि लाखिनायाव जाफुंसारनाय मोननो हादों होन्नानै थानाय बोसोरख्रैनि गेजेरवनो बिटिआर ओन्सोलाव लाखनिखुइबो बांसिन पिपमएवाइनि न' लुनाय जादों आरो गुबुन गुबुन बिथांखिनि हाबा मावफुंबाय होन्नानै फोरमायो।□

सरुपेटा आर्यभट्ट एकाडेमि स 'साइटि आरो खाजोना बेंखन बिबानगिरि मावखुलियावबो उदांस्त्रि सान फालिदों

मानिक दासआ दैदेन्नाय गेवलां आरो मान बाउनाय मेलाव फरायसालिनि गोरयुं खिशर कुमार चौधुरी आरो लेङइ गोरयुं दिलिप कुमार मेधिआ हादत उदांसिनि सोमोन्दै फोरमायथिनायजों लोगोसे भवानिपुर बिधान सभा बियाबनि बैसो गोर समाज सिबियारि आरो आजिरा मोन्नाय फोरोंगिरि अजित कुमार चौधुरी, दिननाथ बर्मन, माधब चन्द्र पाटवारी, जगन्नाथ तालुकदार, किशर मेधि, सोलोंथाइ बिफाननि सरुपेटानि फुंखा क'-अर्डिनेटर अजय काश्यप सरकार, खौरंगिरि रजिब तालुकदारखौ जर'खायै बरायनाय जायो। सानजौफुनिफ्राय हादत अननाय खन्थाइ फरायथिनाय, मेथाइ रोजाबनाय, मोसानाय बायदि दिन्थिफुंनाय, बिबुंधि होनाय बायदि रोखोमनि हाबाफारि खुंनाय जायो। बेनि अनगायैबो आर्यभट्ट एकाडेमि सिनियर सेकेन्डारि फराययसालि दालाइयावबो आलादायै उदांसि साननि फिरफिला बिरहोयो फरायसालिनि लेङइ गोरयुं दिलिप कुमार मेधिआ। गुबुन फासैंथि, सरुपेटा खाजोना बेंखन बिबानगिरिनि मावखुलियावबो फालिनाय उदांसि साननि फिरफिलाखौ बिरहोयो सरुपेटा खाजोना बेंखन बिबानगिरि सन्तुष कुमार नाथआ। गुबुन गुबुन हाबाफारिजों फालिनाय उदांसि सानाव सरुपेटा ओन्सोलनि गुन गोनां फरायसा, गागि नोगोरारिखौ बरायनायजों लोगोसे गेवलां मेलबो खुंनाय जायो। भवानिपुर दर फरायसालिमा, सरुपेटानि बिएइसबि फरायसालिमाजों लोगोसे सरुपेटा-भवानिपुरनि गुबुन गुबुन जायगायाव सरकारि-सरकारि नडै फुसंथानफोरवबो हादतनि 78 थि उदांसि सान फालिनाय जायो।□

बासुगावआवबो रंजा-बाजायै उदांस्त्रि सान फालिदों

आजिरा मोन्नाय फोरोंगिरि करेन्द्र चन्द्र दास, सुभाष चौधुरी, दिलिप कुमार राय, प्रफुल्ल बिबरशवास, आक्रासुनि दैदेनगिरि आरो लाइमोन समाज सिबियारि ब्रजेन राय मोनहा बाहागो लायो। गुबुन फासैंथि, बासुगाव गुदि देहा मिरुनि लांगोनायावबो उदांसि साननि माहारियारि फिरफिलाखौ बिरहोनाय, मुंख्लफोरनो मान बाउनाय, खारनाय बादायलायनाय बायदि रोखोमनि हाबाफारि खुंनाय जायो। मख'नो गोनांदि, देहा मिरुनि बिबानगिरि डा: गन्देस्वर हार्जनि दैदेन्नायाव उदांसि सान फालिनाय जायो। उदांसि सान फालिथायनि लोब्बाजों खुंनाय बायदि रोखोमनि बादायलायनायनि बान्थाफोरखौ ओन्सोलनि गागि सुबुंफोरनि नुजाथिनायाव गथायनाय जायो।□

बरिमाखा जुनियर कलेजखौ सरकारि खालामनागौनि दाबिजों कलेजनि बिबुंगोराफोरा खुद्रिसारदों

ओन्सोलनि सिंनि गंग्रोमबो सरकारि नडैफरायसालि, कलेजफोरखौ सरकारि खालामनायानि बाध्रामोन। नाथाय दुखुगोनां बाध्रादि, बि टि आर गोरोबथाया ब्रै बोसोर बारलांसेयावबो गोरोबथानि बे गेदेर दफाखौ मावफुंनाय नुनो मोनाखसै। बेखौनो लानानै फोरोंगिरिफोरनि गेजेराव खुद्रिखानायखौ नुनो मोन्दों। मानोना गोबां फोरोंगिरिफोरानो थानाय नैजिब्रै बोसोर जेबो दान बान्था गैयालासे बानाय मेंनाय गैया जासे फोरोंबोदों। आधिखालाव खमैबो 700 नि बांसिन फरायसाफोर थानाय बरिमाखा जुनियर कलेजनिफ्राय दिनैसिम गोबां फरायसुला-फरायसुलिफोरा सोलोंथाइ लानानै डिग्री, मुलुग सोलोंसालिफोराव फरायनानै साख्रि जालांबाय, नाथाय कलेजआ सरकारि जायाखै। बेखौनो लानानै दिदैं बरिमाखा जुनियर कलेजनि गोरायुं आरो बिबुंगोराफोरा रेबगन दोनथ'नाय हाबाफारिखौ लानायनि गेजेरजों बि टि आर खुंथाइ आरो आसामनि सोलोंथाइ बिफानखौ थाबैनो बरिमाखा जुनियर कलेजखौ सरकारि खालामना होनायनि राहा लानो खावलायो।□

डा:मौमिताखौ बुथारनाय जाथायनि हेंथायै एबिभिपिआ हान्जा सुरनानै गोख्रों सोमावसारदों

लांगोनायाव ज' जानानै जाथायाव जिउ गोमानाय डा: मौमितानि सावगारि गोनां बेनार, फेस्टुन आरो आखाइ-आखाइ म'भवाथि लानानै हान्जासुरो। हान्जा सुरगिरिफोर मौमिता बुथारनाय जाथायनि दायनिगिरिखौ फासि होनांगो, बुथारनाय जाथायनि बिजिरनाय नांगो बायदि स्ल'गानजों रजा लामाखौ गमखां होयो। गसाइगाव सरदर सहरजों गिदिनानै हान्जा सुरनाय हाबाफारिया फिन कमलनाथ क्लाब आरो बिजाब बाख्रियाव थुंगेहेनायनि उनाव मोनसे सोमावसारनाय हाबाफारि खुङे। एबिभिपिनि गसाइगाव दालाइनि लेङइ आफादगिरि अभिजित सरकार, गाहाइ नेहाथारि गौरिश घष, लोगो नेहाथारि पार्थप्रतिम महन्त, हरिदेब सरकार, मिडिया इन-चार्ज अरबिन्द करजों लोगोसे आफादनि सा 200 निबो बांसिन फरायसाफोरा बे हाबाफारियाव बाहागो लायो।□

पातालपुरि अन्साइ आफादनि बान्जायनायाव बेरामिफोरनो जाग्रा आदार रन्दों

गं 400 बिसिना गोनां देहा फाहामसालिनि गासैबो बेरामिफोरनो आपेल, थालेर, दावदै आरो ब्रेड बायदि जाग्रा आदारफोरखौ रान्ानै होयो। 2023 माइथायाव कक्राझार रुपनाथ ब्रह्म लामायाव आफादनि गाहाइ मावखुलिखौ समाजानि अन्साइयारि हाबा मावनायनि बिथिङव दोरोडरि हेफाजबखौ बांहेनाय, जुलि बायदि समाजारि हाबाफारियाव सासेया गुबुन सासेखौ मदद होनाय, सागदु-नख'रि हाबाफोरव गोनांथि बायदियै मदद-हेफाजाव होनाय बायदि थांखिखौ सिगाङव लानानै गायसन्नाय जादोंमोन।□

कक्राझार सरकारि फरायसालिमानि 66थि बोसोर गायसन्थाइ सान फालिदों

फालिनायजों लोब्बा लाखिनानै कक्राझार मुलुग सोलोंसालिनि गाहाइ दरखनि अन्थाइ खाम्फा गायसन्ानै होयो सान्जा कक्राझार बियाबनि एमएलए लरेन्स इस्लारिआ। एमएलए इस्लारिआ खौरां बिजोंनि सिगाङव कक्राझारआव दानिया गनै मुलुग सोलोंसालि जाबाय होन्नानै बिथाङ बुङेदि, कक्राझार मुलुग सोलोंसालि महरै गनायर्थि मोन्नायाव सोलोंथाइ फुसंथाननि अंखाल गयै जाबाय। गोबांथार सोलोंसाफोरानो कक्राझार मुलुग सोलोंसालियाव गोजू सोलोंथाइ आजावनो हासिगोन होन्नानै बिथाङ मिर्जिथिनाय फोरमायो। फरायसालिमानिफ्राय मुलुग सोलोंसालिसिम फोजूखानानै होनायनि थाखाय गिबि मन्थ्रिनिसिम इस्लारिआ गाहाम हामब्लायनाय हरो। बेरफासै सोलोंसालिमानि गोरयुं ७ मुसाहारिआ फरायसालिमानिफ्राय मुलुग सोलोंसालिसिम फोजूखानानै होनायनि थाखाय आसामनि सोलोंथाइ मन्थ्रि डा: रनज पेगु, केबिनेट मन्थ्रि उर्खाव गोर ब्रह्म, बिटिआरनि गाहाइ खुंगिरि प्रमद बर'मोननो गाहाम हामब्लायनाय हरो।

मख'नो गोनांदि, दिदैं गायसन्थाइ सान फालिनायाव गाहाइ आलासि महरै बाहागो लायो मुलुगनि उदैंसिन प्रफेसार आइजाक बारिआ। बिथाङ सोलोंथाइ फुसंथाननि साफ्रोमबो फरायसुला-फरायसुलिफोरजों सिनायथि लालायनानै सोलोंथाइनि फासै थुलुगाखां होयो।□

बाक्सानि मुसलपुरआव इउ पि पि एल दोलोनि गेदेर जयनिं हाबाफारि

बि पि एफ आरो जि एस पि दोलोनिफ्राय सा 80 नि बांसिन सोद्रोमाफोरा इउ पि पि एलआव हाबफैदों

मुसलपुर, 16 आगस्ट: बि टि सिनि बिसायख'थिया खुंजानो से बोसोरसो सम दंबावो। फैगौ 2025 माइथायाव खुंजानो गोनां बि टि सि बिसायख'थिखौ नोजोर बोनानै राजखान्थि हान्जाफोरनि गेजेराव दासान्दि गावबा-गावनि दोलोखौ गोख्रों खालामना लानायनि थांखिजों

(1 बिलाइनफ्राय)

फाहामगिरि डा: मौमिता देबनाथ बुथारनायनि हेंथायै गसाइगावआव फाहामगिरिफोरा डिउटिनिफ्राय जानगाराव थादों

6:00 बाजनिफ्राय 18 आगस्टनि फुंबलि 6:00 बाजिसिम 24 घन्टानाडै सिबिथाइ होनायनिफ्राय जानगाराव थागोन। इन्डियान मेडिकेल एस'सिएसननि आसाम दालाइनि खावलायनाय बायदियै फालिनो गोनां बे हाबाफारिनि समाव फाहामगिरिफोरा बेरामि नायनायनिफ्राय थारलायै जानगाराव थागोन। अदेबानि फाहामसालिनि हरखाब बिफान आरो इमार्रॅन्सि बिफाननि बिबानआव थानाय फाहामगिरिफोरखौ बे हाबाफारिनिफ्राय दोन्थ'नाय जादों होन्नानै फाहामसालिनि सुपारिन्टेडेन्ट मावखुलिनिफ्राय फोसावनाय जादों।□

बिटिआरनि बिजेपि इ़एम अरुप कुमार देनि हेंथायै खुद्रिदों एबिएमसुआ

बादायलायनाय खुंदोंमोन। बे माराथन खारनायाव बान्था महरै गिबि सा 70 नो 5,000 रां बान्था महरै होनाय जागोन होन्नानै बादायलायनायाव बाहागो लानाय लाइमोन हिन्जावसा-होवसाफोरनो मिबांथि होनाय जादोंमोन। नाथाय बे खारनाय बादायलायनायाव बादायगिरिफोरा गोबां जानायलाय, बान्थाखौ 5,000 रंनिफ्राय 1,000 रंसिम होनाय जासिगोन होन्नानै मावफुं सोद्रोमा अरुप कुमार देआ गुबुन फासै आन्त्रायनानै थाङे। सोमोनांथवनायै मावफुं सोद्रोमा देआ बेनिफ्राय जायखारलानायनि उनाव बिथांथि लोगो मावफारियाफोरा बादायगिरिफोरनो 500 रॉल' गथायो। बेखौ नुनानै गोब्राब सानदुं-अखा नेवसिनानैब्लाबो बाहागो लानाय बादायगिरिफोरा जायगायावनो बेनि हेंथा खालामनो हमो आरो बे हेंथा खालामनाया उननि समाव गोजाम बाजार गेलेग्रा फोथाराव साजायनायफोरखौ बुफाय-बुसि खालामनानै लानदां खालामो। बे जाथायखौ लानानै हरनि समाव फेसबुक लाइभनि गेजेरजों मावफुं सोद्रोमा देआ बे जाथायखौ हारियारि गाब होनो नाजानानै जाथायखौ मुसलमान हारिनि लाइमोनफोर मावदों होन्नानै फोसावो। बेनि अनगायैबो थानाय माखासे समाव बिथाङनो मुसलमानफोरनि हेंथायै बायदिसिना बिबुंधि होबोदोंमोन होन्नानै अजद होयो एबिएमसुनि आफादगिरिआ।

बिटिएडि ओन्सोलाव रइजो जानाय गुबुन गुबुन हारि-माहारि आरो धोरेमारि सुबुंफोरनि गेजेराव गात्रि मोनलायनानै हारियारि दाङबाजि सोमजिनो हाया बेनि थाखाय बे जाथायनि सायाव संदानानै मावफुं सोद्रोमा अरुप कुमार देनि हेंथायै मोनसे गोख्रों साजा होनायनि रहा आजावनो खौरां मेलनि गेजेरजों खावलायदों कक्राझार जिल्ला एबिएमसुनि आफादगिरि नुजरुल इस्लामआ।□

सालबारिआवबो उदांसि सान फालदों

फुंबिलियाव आलारि बांथि फोजौनाय, मान बाउनाय हाबाफारिनि उनाव माहारियारि फिरफिलाखौ बिरहोयो सालबारि महकुमानि महकुमा बेंगिरि निलुतपल पाठकआ। फिरफिला बिरहोानै महकुमा बेंगिरि निलुतपल पाठकआ रइजो-रजाफोरखौ थांखिनानै बेसेन गोसा बिबुंधि होयो। बिथाङ थानाय समफोरव सालबारि महकुमानि जौगाथायि, हाबा हारिगनाय लाबोनो हानाय जर'खा सुबुंफोरनिसिम गाहाम हामब्लायथि जासिनानै सालबारिनि रइजो-रजाफोरनि जौगाथाय आरो दानगाथायनि थाखाय अर'ज गाबो। महकुमा बेंगिरिनि बिबुंधिनि उनाव गुबुन गुबुन फरायसालि-फरायसालिमा, एनसिसि केडेट, पुलिस, सिआरपिएफ जनावफोर पेरेड दिन्थिफुङे। सालबारि महकुमा खुंथाया उदांसि सान फालिथायाव समाजनि गुबुन गुबुन बिथिङव खामानि मावनानै गोग्गानाय लाबोनो हानाय माखासे सुबुंफोरखौ बिहु फालि, मान बिलाइजों मान बाउनानै बरायो। बेलासियाव बायदि रोखोर्मनि गेलेमु बादायलाय खुंफुंनायनि उनाव उदांसि सान फालिथाया थुंगेफैयो। उदांसि सान फालिथायाव सालबारि महकुमा पुलिस बिबानगिरि निलुतपल शइकिया, सालबारि बियाबनि एमसिएलए जय मुसाहारी, समाज सिबियारि शरत स्वरगियारी, नारायन बसुमतारि, धिराज डेकाजों लोगोसे माखासे गेदेमा सुबुंफोराबो बाहागो लायो।□

सालबारिनि बासबारि गुदि बिपिएफ दोलानि जथुम्मा खुंदों

बिपिएफनि मिरु आफादनि नेहाथारि एबा बारास' एमसिएलए रन्जित खेरकातारि, अर्गेनाइज्जि नेहाथारि तिकेन बसुमतारि, दोलानि पलिसि मेकिं बडिनि सोद्रोमा नारायणी बसुमतारि, सालबारि जिल्ला आफादनि आफादगिरि भुबनेस्वर गयारिमोनहा। बिपिएफनि मिरु नेहाथारि आरो बारास' एमसिएलए रन्जित खेरकातारिया बुंदौदि, बिपिएफ दोलोआ बिटिसिआव सरकार दानो हायै एबा थानाय लकसभा बिसायख'थियाव बिपिएफनि जेन्नांन्याय दानदिसे समनि जाथायसोमोन। बिटिसिनि गोबां सानखोनि रइजो-रजाफोर दासानदि बिपिएफनि मदतआव दइ। फैगौ बिटिसि बिसायख'थियाव गोबांथार सानखोनि भटजों देरहानानै बिटिसिआव बिपिएफनि सरकार फैनिगनोनआ 100 जौखान्दो रोखासै। मख'नो गोनांदि, जथुम्मायाव नेस्वर बसुमतारि आफादगिरि आरो कनरम मन्दलखौ गाहाइ नेहाथारि सायख'नानै सा 30 सोद्रोमानि बिपिएफ बासबारि गुदि आफादखौ गोदानै दाफिन्नाय जायो। गोदान आफादनो बिबान गथायनानै होयो सालबारि जिल्ला आफाद आरो ब्लक कमिटिनिफ्राय।□

सनबारि कुटि प्राइमारिनि सिङव थानाय सा 81 नि बांसिन बि पि एफ आरो जि एस पि दोलानि सोद्रोमा आरो मावथिफोरखौ इउ पि एल दोलोआव गोरोब फैनायखौ नुनो मोनो। बे जयनिं हाबाफारियावनो एम एल ए भुपेन बर'आ बाहागो लानानै बुङेदि, इउ पि पि एल दोलोआ गोख्रौडैनो दइ आरो बि जे पि, इउ पि पि एल, ए जि पिनि लोगोआ गोख्रौडैनो थाबाय थागोन होन्नानै दाबि दैखाङे। लोगोसे बिथाङ फैगौ बि टि सि बिसायख'थियाव आसामनि गिबि मन्थ्रि ७ हिमन्त बिश्व शर्माआ बि जे

(1 बिलाइनफ्राय)

गेरुवा हान्जानि थांखि: 2025 बिटिआर बिसायख'थियाव हारसिडै-जुजिनानै सरकार दागोन

इउपिपिएल लोगो नानानै बिसायख'थि गेलेदोंमोन। बे बिसायख'थियावबो इउपिपिएल दोलोनिफ्राय जुथाइ हान्जा एनडिएनि जानानै बिटिआरनि 1 नं. कक्राझार लकसभा बियाबनिफ्राय बिजाथि देरहानानै थांदों। आधिखालसिम बिटिआर सरकार, रइज्यो सरकार आरो मिरुआवबो इउपिपिएलआ जुथाइ हान्जा एनडिएनि सोद्रोमा महरै दइ। नाथाय बावैसो सिगां आसामनि गिबि मन्थ्रि हिमन्त बिश्व शर्माआ फैगौ बोसोरआव खुंजानो गोनां बिटिसि बिसायख'थियाव हारसिडैनो बादायनो फोसावनायनि उनावनो बिटिआरनि रजखान्थि थासारिया इसिं बाहागोआव एसे-एनै गुलाय-गुजाय जानो हमदों होन्नानै गोबाङनो सावरायनो हमदों। मिबथिनाय बायदियैब्ला, सानसे नङ सानसे बिजेपिआदि बिटिआरनि खुंथाइ लागामखौ हमगोन बेनि थालिमखौ बावैसो खुंलांनाय लकसभा बिसायख'थिनि सिगां जागायनायखौ नुनो मोन्दोंमोन। बिसायख'थियाव इउपिपिएल-बिजेपिआ जुथायैनो बाहागो लानायखौ नुनो मोन्दोंमोन। नाथाय फोसावदिंनाय समाव गोहो दिन्थिफुंनो थाखाय गेरुवा हान्जाखौ रइजो-रजाफोरनि गेजेराव अन्साइ जानाय खालामनो बिजेपिआ हारसिडैनो बायदिसिना हाबाफारि आजावनायखो नुनो मोन्नाय जादों। बे समाव गेरुवा हान्जानि गुबै थांखिखौ रजखान्थियारि बिथिङे-नोजोर लाखिग्रा माखासे सुबुंफोरा रोखा जानो हादोंमोन। गेरुवा हान्जानि थांखिया जाफुंनायजों लोगो-लोगोनो दरफ्रोमबो जिल्लायав गुबुन दोलानि सोद्रोमाफोरखौ गावसोरनि दोलोआव लाबोनायावबो जाफुंसारनायखौ नुनो मोन्दों। फैगौ 2025 माइथायाव बिटिसि दखलनि थाखाय मिसन 2025 मुं होनानै दरफ्रोमबो जिल्लायав दोलोआव सोसन्नाय हाबाफारिनि बाहागो महरै कक्राझार जिल्लानि सिङव रामपलबिलआव जिल्ला बिजेपिआ मोनसे गिदिद जयनिं हाबाफारिबो खुंनाय नुनो मोन्नाय जायो। बे जयनिं हाबाफारियाव गुबुन गुबुन दोलानि गोबांथार सुबुंफोरा बिजेपिआव हाबफैनायखौ नुनो मोन्नाय जादों। नोजोर होथावनादि, आसामनि गिबि मन्थ्रि हिमन्त बिश्व शर्माआ बावैसो सिगां बिटिसि बिसायख'थियाव बिजेपिआ हारसिडैनो बादायगोन होन्नानै फोसावनायनि उनावनो बिटिसिआव गेरुवा हान्जया जयनिं हाबाफारि खुंनो लादों।

मख'नो गोनांदि, कक्राझारनि रामपलबिलआव खुंनाय जयनिं हाबाफारियाव बाहागो लानानै बिटिसिनि बिजेपि मावफुं सोद्रोमा रेखेवा नांजिहारिआ फैगौ बिटिसि बिसायख'थियाव बिजेपिआ देरहासाद जानानै सरकार दाफुंगोनआ रोखा होन्नानै दाबि खालामदों। जयनिं हाबाफारियाव कक्राझार जिल्ला बिजेपिनि आफादगिरिजो कबिता बसुमतारि, एमसिएलए रजिब ब्रह्म आरो गोबां दैदेनगिरिफोर बाहागो लादोंमोन। नोजोर होथावनादि, थानाय माखासे बोसोरनि सिगां कार्किअंलं दखल खालामदोंमोन गेरुवा हान्जया। बे रोखोमैनो बड'लेन्ड दखल खालामनायनि थांखि लानायखौ दोलानि माखासे हाबाफारिफोरानो फोरमायो।□

मिहिनीस्वर बसुमतारिनि लिरनाय 'हान्थिबोबाय आं गोजान लामा' मुंनि बर' अडिअ सिडि केसेटखौ बेखेवबाय

प्रडाक्सनजों दिहुनजानाय 'हान्थिबोबाय आं गोजान लामा' मुंनि अडिअ सिडि केसेटखौ दिदैं मोनसे मेहेर गोनां हाबाफारिनि गेजेरजों बेखेवनाय जायो। हाबाफारि बायदियै फुंबिलियाव आलारि बांथि फोजोङे एस बि बड' गेजेर आरो गोजूसिन फरायसालिनि बारास' फोरोंगिरि ललित चन्ड बर'आ। बेनि उनाव मिहिनीस्वर बसुमतारि लिरनाय 'हान्थिबोबाय आं गोजान लामा' अडिअ केसेटखौ जोहोलाव निलेशर ब्रह्म आरो सानजारां लकेशर ब्रह्म बान्था मोनगिरि बिरेन्द्र कुमार ब्रह्मआ बेखेवनाै होयो। बि के डाब्लिउ ए सिनि गाहाइ मावफुं सोद्रोमा मिहिनीस्वर बसुमतारिनि अडिअ सिडि केसेट बेखेवनाय हाबाफारियाव आलासि महरै लखिमपुर लक सभा बियाबनि एम पि प्रदान बरुवा, जनाइ बियाबनि एम एल ए भुवन पेगु, मिरु खौसेंथि बर' सुबुं आफादनि आफादगिरि मनरन्जन बसुमतारि आरो बर' कछरी अन्साइ गवहायुंआरि खुंथाइनि मासिगिरि अनिल बसुमतारि, बि के डाब्लिउ ए सिनि लेङइ मावफुं सोद्रोमा रमिअ पि नाजरी, लेङइ मासिगिरि स्त्रिजोन बसुमतारि, बर' कछरी अन्साइ गवहायुंआरि खुंथाइनि गासैबो मावफुं सोद्रोमा आरो एबसुनि नेहाथारि बड'सा ब्रह्म, धेमाजि जिल्ला एबसुनि आफादगिरि तेनर्जि बर', धेमाजि जिल्ला खौसेंथि बर' सुबुं आफादनि आफादगिरि राधिराम बसुमतारि आरो गाहाइ नेहाथारि असुक दैमारो, धेमाजि जिल्ला दुलाराइ बर' आइजो अन्साइ आफादनि आफादगिरि-नेहाथारि, धेमाजि जिल्ला बर' शुनलाइ आफादनि आफादगिरि-नेहाथारिजों लोगोसे गुबुन-गुबुन दरखरा आफादनि आफादगिरि-नेहाथारिफोर बाहागो लानानै हाबाफारिखौ जाफुंसार होयो।□

भवानिपुरआव मुंख्लं खर्गेस्वर तालुकदार लामा बेखेवदों

माहारियारि हाग्रामासिम थानाय गोलाव 31 किल'मिटार लामाखौ मुंख्लं खर्गेस्वर तालुकदार लामायाव मुं सोलायबाय। मैया भवानिपुर बियाबनि एमएलए फनिधर तालुकदारआ मुंख्लं खर्गेस्वर तालुकदार लामाखे बेखेवनाै होयो। मख'नो गोनांदि, मुंख्लं खर्गेस्व तालुकदारआ जिउ बाउसोमनाय जायगा भवानिपुर सकआव 31 नं माहारियारि राजा लामानि खांथियाव गायसन्नाय मुंख्लं खर्गेस्वर तालुकदार लामानि अन्थाइ खाम्फाखौ बेखेवनाै होयो। मुंख्लं खर्गेस्वर तालुकदार लामाखौ बेखेवनायनि उनाव भवानिपुर सकआव खुंनाय, बिजेपिनि दैदेनगिरि किशर कुमार डेका आरो नागेश कुमार बाष्प आरो हिमांसु कलिताआ दैदेन्नाय आरो सामब्लायनाय गेवलां मेलाव एमएलए फनिधर तालुकदारआ बुङेदि, आसाम सरकारनि केबनेटआव आसामनि थामोन्थाय रेखांथिनि सोमावसारनायनि गिबिसिन मुंख्लं खर्गेस्वर तालुकदारनि गोसोखांथिखौ अराय गोजौरै लाखिलान्दो थाखाय मुंख्लंनि थैनाय जायगा भवानिपुर सकनिफ्राय मानास माहारियारि हाग्रामासिम थानाय लामाखौ मुंख्लंनि मुडै मुं दोन्नो थांखि लादोंमोन। लोगोसे 78 थि उदांसि सान फालिनायखालि मुंख्लं खर्गेस्वर तालुकदार लामाखौ बेखेवनाय जायो। बे लामाया मुंख्लं खर्गेस्वर तालुकदारनि जोनोम गामि उजान बरबरिनि गेजेरखों थांदों। आसाम सरकारनि गिबि मन्थ्रि ७ हिमन्त बिश्व शर्माआ आसामनि थामोन्थाय रेखांथि सोमावसारनायनि गिबिसिन मुंख्लं खर्गेस्वर तालुकदारजों लोगोसे सोमावसारनायनि सा 855 मुंख्लंफोरनि गोसोखांथिखौ गोजौरै लाखिलान्दो थाखाय गुबुन गुबुन थांखि लानाय जादों। एमएलए फनिधर तालुकदारआ बुङेदि, मुलुगनां जारिमिनारि थावनि मानास माहारियारि हाग्रासिम मुलुगनि दाब-दाब जायगानिफ्राय फैनाय दावबायारिफोरा भवानिपुरनिफ्राय मानास माहारिारि हाबग्रा लामाजों थाङे। दानिफ्राय दावबायारिफोर मुंख्लं खर्गेस्वर तालुकदार लामाजों हान्था मेला खालामगोन। मुलुगनि दाब-दाब जायगानिफ्राय फैनाय दावबायारिफोरा जारिमिन सोर्रजिनाय मुंख्लं खर्गेस्व तालुकदारनि मुंखौ नुनो मोनगोन। मेलाव भवानिपुर बिधान सभा बियाबनि एमएलए ७ मनरन्जन दास, बिजनीनि जिल्ला बेंगिरि मृदुल कुमार दास, मुंख्लं खर्गेस्वर तालुकदारनि फंबाय चन्द्रकान्त तालुकदाआबो आलासि महरै बिबुंधि होयो। लोगोसे बजालि जिल्ला जौगाखां बिबानगिरि आश्राफुल मिन, सरुपेटा खाजोना बेंखन बिबानगिरि सन्तुष कुमार नाथजों लोगोसे माखासे सुबुंफोरा आलासि महरै बाहागो लायो। बे हाबाफारियाव भवानिपुर बियाबनि माहारियारि मुंख्लं नख'नि सोद्रोमाफोरखौ मान बाउनाय जायो। लामा बेखेवनायनि सिगां मुंख्लं खर्गेस्वर तालुकदारनि जिउ बाउसोमनाय जायगायाव गायसन्नाय मुंख्लंनि मुसुखा आरो मुंख्लं खाम्फायाव बिबार बाउनाय, आलारि बांथि फोजौनाय बायदि हाबाफारि खुंनाय जायो।□

स्त्री-2 सावथुना सिनेमा हलाव दोहौ लाबोदों

सावथुन बानायगिरि अमर कौशिक आरो दिनेश बिजाननि जरायाआ फिन खेबसेबाव नायगिरिफोरखौ हरर कमेडिजों मुजिहोनों थाखाय नुजाफैफिनबाय। राजकुमार राव आरो श्रद्धा कापुर स्टारनि मुंदांखा सावथुन स्त्री-2 आ सावथुन नब्बांफोरखव रिलीज जाबाय। बे सावथुन अन्सायगिरिफोर गोबाव समनिक्रायनो गोसो गुदुडै नैनानै दडमोन। बक्स अफिसआव फेनाय लोगो लोगोने स्त्री-2 सावथुनआ दोहौ सोमजिहोदों, जायखौ नोंथांमोनहा सावथुन गिबि साननि रां आर्जिनानयनि गेजेरजोंनो हमादोनो हायो। 6



बोसोर उनाव स्त्री सावथुनआ सिनेमा हलफोरखव फेफिनबाय आरो सिक्वेल्जों लोगोसे चन्देरिआव खर' जनायनि दोहौनि गोदान सल'खौ लानानै फेदों। आथिखालाव नायगिरिपोर सावथुनखौ जोबोद अन्सायदों। अडिअन्स आरो क्रिटिक्सनि गेजेरजों राजकुमार रावनि बे हरर कमेडि सावथुनखौ पजिटिभ रेस्पन्स मोनाय नुनो मोन्दों। स्त्री-2 सावथुननि एडभास् बुकिनि मोजां रां आर्जिनानयखौ नोजोर होनानै सान्दोंमोनदि, बे सावथुनआ

बक्स अफिसआव बाम्पार अपेनि मोनगोन आरो दा बिबिन्दो जादों। सेकनिल्कनि हमादोनय अन्जिमानि बादिब्ला, स्त्री-2 सावथुनआ रिलीजनि गिबि सानाव54.85 कौटि रां आरजिदों। बलिउडनि बे बोसोरनि गिदिर अपेनार जानायनि टेगखौ दा स्त्री-2 सावथुनआ मोनो हाबाय। बेनि सिगां 24 कौटि रजों लोगोसे ऋतिक रशननि फाइटर सावथुनआ बे जाथायाव लीड खालामगासिनो दडमोन। अदेबानि स्त्री-2 नि कालेक्सननि अन्जिमाआ सोलायनायनि समभावना दड। बक्स अफिसआव स्त्री-2 नि बे मोजां जागायनायखौ नोजोर होनानै स्त्री हमादोनो हायोदि, फेगौ सानआव श्रद्धा कापुरनि बे सावथुनआ आरोबाव गिदिर रेक'ड' बानानायखौ नुनो मोनगोन। स्त्री-2 नि सल'आ चन्देरि गामिआव खर' जनाय दानबनि दोहौ सोमजिहोनायनि सायाव बानायनाय, जेराव स्त्रीनि थानायनि उनाव गामिनिक्राय मडान हिन्जावफोरखौ देखाना लाडे। बेजों मोगा-मोगि जानो थाखाय राजकुमार राव, श्रद्धा कापुर, पंकज त्रिपाठि, अभिषेक बेनाजि आरो अपाशक्ति खुगनाआ गोदान आदिया खालामो, बेखौ नोंथांमोनहा सावथुन नायब्लासो मिथिगोन।

गाहाम देहानि राहा

भिटामिन-इनि थाखाय डाइटआव माखासे फिथायफोरखौ सोसन्नांगौ

गोलाव समसिम देहायाव भिटामिन-इनि आंखाल जायोब्ला अभाअल देहायाव गात्रि गोहोम गोलैयो। बेनिखायनो भिटामिन-इनि आंखालखौ सुफुंनो थाखाय डाइट प्लानआव भिटामिन-इ थानाय जामुंफोरखौ सोफानाया गोनथार। डाइटआव भिटामिन-इनि आंखालखौ सुफुंनोब्ला माखासे जामुंफोरखौ सोफानाया



गोनांथार। थामहिनबा भिटामिन-इनि आंखालखौ सुफुंनो थाखाय डाइटआव माखासे जामुंफोरखौ सोफादेरनांगौ जायो। भिटामिन-इनि थाखाय गाहायाव होनाय जामुंफोरखौ जानो हायो। (1) गोथां मैंग-थाइंग:- भिटामिन-इनि आंखालखौ सुफुंनोब्ला थाजिम गोथां मैंग-थाइंगनि बिलाइफोरनि ओंखि जानांगौ।

(3) फिथाइ-सामथाय:- फिथाइ-सामथायनि गेजेराव वकी आरो थाइजौ बायदि फिथाइफोरखौ डाइटआव सोफाफोब्ला भिटामिन इ-नि आंखालखौ जायखारहोनों हायो। बे फिथाइफोरखौ डाइटआव सानफ्रोमो लोफाफोब्ला देहायाव मुलाम्फा मोनो। (4) फेटि फिश:- नोंथाड नन भेजेटरियनब्ला फेटि फिशखौ डाइटआव बाहागो खालामनो हायो। मानोना फेटि फिशआव गोबां बिबानि




(2) बादाम-अखरत:- भिटामिन-इनि आंखालखौ सुफुंनोब्ला सम सम बादाम आरो अखरतखौ जानांगौ। बे मोनानै फिथाइआ अभाअल देहायाव मुलाम्फा मोनो।

भिटामिन-इनि थादेरसाफोरखौ मोनाय जायो। मख'नो गोनांदि, भिटामिन-इ थानाय जामुंफोर ब्लाड प्रेसारनि बानाय जेनाखौबो समान्थायाव लाखियो। बेफोर जामुंफोरखव गोबां सुफुंसार मुवा मोनायनि जाउनाव देहायाव गोबां मुलाम्फा मोनो। जाउनाव देहानि जेनाया अभाअल इमप्रुप जालाडे।

जयसवालआ रिपल लाइफआवबो जोबोद समायना। बिथांआ शशेल मिडियाआव जोबोद एक्टिभ थायो आरो गावनि सावगारिफोरखौ शेयार खालामबाय थायो। बेनि गेजेरजों बेखौ बुनाया गात्रि जानाय नड, मानोना प्रज्ञाया हटनेसनि बिथिडव दिसा पाटनीयानो जा एवा गुबुन फावखुंघियायो जा बिथांखौ रावबो फेजेन्तो हाया। इन्सटग्रामआव नुनो मोनगोनदि, बिकिनियाव जा एवा एथनिक लुकआव फावखुंघिनि गोबां सावगारिफोर इन्टरनेटआव दोहौ थाखाय थोजासे।

जया बच्चननि फिनजाथायाव खुद्रिनायखौ रणबिर शौरिआ बोसोरब्रै उनाव रोखा खालामदों



बलिउडआव फेनाय-वियादे एबा नेपटिज्मनि जायथाया जेबो गोदान नड। सावथुननि स्टारफोरनि सायाव खालि गावनि गथ'फोरखौ एबा गावनि आंगोफोरखौल' लन्व खालामनायनि थाखाय दाय जाबसिन्नाय जायो, रेंग'थि जानायनि गेजेरजोंनो आउटस्टाइडरफोर खामानिनि

थाखाय बुगिनो गोनां जायो। 2020 माइथायाव जेब्ला नेपटिज्मनि जाथाया सोरांआव फेदोंमोन, अब्ला फावखुंघि आरो एमपि जया बच्चनआबो संसद भवनआव बेनि बेरेखायै मोनसे फिनजाथाइ होदोंमोन। जया बच्चनआ संसद भवनआव नेपटिज्मनि बेरेखायै बुंग्राफोरनि सायाव सोंखारिनानै बुंदोंमोनदि, इन्टरनेटआव गोसारदोंमोन।

'जिस थाली मे खाना खाते हो उसी मे छेद करते हो'। बिथांनि बे फिनजाथाय होनाया गोबां सावरायजादोंमोन। बै समाव रणबिर शौरिया जया बच्चननि बाश्राजों जोबोद मटिभेट जाना लिरों। आरो बिथांआबो टुइड खालामदोंमोन अदेबानि रणबिर शौरिया गावनि बोसोरब्रै गोजाम टुइडखौ लानानै रोखा खालामदों। बावैसो मोनसे इन्टरभिडआव बिथांनि बे जाथायनि सायाव सावरायदों। सिद्धार्थ कन्ननजों लोगोसे सावरायलायनायाव रणबिर शौरिया बुंदोंमोनदि, आं जयाजिनि कमेन्टनि सायाव बे बायदि बुंआखैमोन, बिथांआ बै समाव जेखौ बुंदों बेयो इन्टरनेटआव गोसारदोंमोन।

बेनिखायनो आंबो आंनि बाश्रा दोन्दोंमोन, नाथाय बेयो बिथांनि फिननायाव नडामोन। सिगांआवबो सुबुंफोर आंखौ बुंदोंदि, आं सशेल मिडियाआव जोबोद मटिभेट जाना लिरों। बेनिखायनो आं सान्दों फासयनानै थानायानो गाहाम। रणबिर शौरिया बुंआवदोंदि, दिने जुदि आं बेफोर बाश्राखौ बुंनंगौ अब्ला आं बेखौ सरकास्टिक हिसाबे फोरमायनाय नड। आंहा बेनि सायाव एसिबां खुद्रिनांगौनि गोनांथि गैयामोन।

फावखुंघि श्रद्धा कापुरआ गावनि जिउनि स्ट्रगलनि सायाव फोरमायदों

श्रद्धा कापुर आरो राजकुमार राव स्टारनि सावथुन 'स्त्रि 2' आ सिनेमा हलफोरखव 15 आगस्टआव रिलिज जायो आरो रिलिजनि गिबि सानआवनो बे हरर कमेडि सावथुनआ सुबुंफोरनिफ्राय मोजां अन्साइनाय मोन्दों। बयबो सावथुनखौ नायनायनि उनाव बेनि सल' आरो फावखौ बाखायगासिनो दड। अदेबानि दा फावखुंघिनि मोनसे भिडिअया शशेल मिडियाआव गोबां भाइरेल जागासिनो दड। अदेबानि दा फावखुंघिनि मोनसे भिडिअया शशेल मिडियाआव गोबां भाइरेल जागासिनो दड, जेराव बिथांआ गावनि स्ट्रगल खालामनायनि सोमोन्दै सावरायनायखौ नुनो मोन्दों। बेनि गेजेरजों बिथांजों लोगोसे राजकुमार रावखौबो बेवहाय जिअयनाय नुनो मोन्दों। बावैसो सिगां श्रद्धा कापुर आरो राजकुमार रावआ गावनि सावथुन स्त्रि 2 नि प्रमशन खालामनाय नुनो मोन्दों। बेनि गेजेरजों बिथांआ गोबां खेव गावनि पर्सनेल आरो



प्रफेशनेल लाइफखौ लानानैबो सावरायदों। सुशान्त सिन्हानि पडकारस्टआव फावखुंघिया गावनि स्ट्रगलनि समखौ गोसोखादों। श्रद्धाया बुंदोंदि, बयनिखुइ सिगां आं आंनि बिमा आरो बिफानो बेनि सोमोन्दै मिबथि होदोंदि जे बिथांआ दा कलेज नागारना एक्टिनि फिल्डआव फेनो लुबैयो। बेखौ खोनानायनि उनाव बिफा शक्ति कापुरआ बुंदोंदि, बिथांआ जेखौ खालामनो लुबैदों बेखौ गाव हारसिनो खालामनांगोन, आं रावनोबो फन खालामनाय नड। बेनि उनाव फावखुंघिया गावनि गिबि सावथुननि सोमोन्दै बाश्रा सावरायनाय शेयार खालामदोंदि, जेब्ला गिबि सावथुन 'तिन

पति'आ रिलिज जायो अब्ला फेलें जादोंमोन आरो बेनि उनाव नैथियाबो फेलें जादों। उनाव गोबां अडिशन होनो गोनां जादों, मानोना बै समाव रावबो आंजों खामानि मावनो लुबैयामोन। मानोना आंनि मोननैबो सावथुना फलप जादोंमोमोन। सावथुननि बेग एजखौ लानानै आवगाय लांनंगौआ जोबोद गोब्राब जायो आरो गुबुन सावथुन मोनायावबो गोब्राब जायो। उनाव महित सुरिया बिथांआ आंजों खामानि मावनो थाखाय राजि जादोंमोन आरो बिथांखौ आशिफि 2 आव लादोंमोन, जाय सुपारहिट जाना फेदोंमोन।

'खेल खेल मे' सावथुना सिनेमा हलआव रिलिज जाबाय

अक्षय कुमार, तापसि पन्तु, एमि बिकं स्टारनि सावथुन 'खेल खेल मे' आ सिनेमा हलफोरखव नुजाथिबाय। मुदससर स्टारनि अनगायैबो बाणि कापुर, आदित्य सिल, प्रज्ञा जयसवाल, फरदिन खान मोनहाबो लिड रलआव नुजाथिदों। सावथुना क्किटिक्स आरो नायगिरिफोरनिफ्राय सरासन्हा रिस्पन्स मोन्दों। तापसि आरो बाणिनि अनगायैबो 'खेल खेल मे' सावथुनाव प्रज्ञा जयसवालआबो नैनानि फाव दिन्थिनानै सुबुंफोरखौ गावनि फासे बोनो हादों। अद'बानि, दा अन्साइगिरिफोरखो बेखौ मिबथिनो थाखाय उसु-खुथु जादोंदि, प्रज्ञा जयसवालआ सोर। प्रज्ञा जयसवालआ साउथनि सासे मुंदांखा फावखुंघि। बिथाड तेलुगुनि माखासे सावथुनफोरखव खामानि मावनानै अन्साइगिरिफोरनि गोसोआव गावनि जायगा बानायनो हादों, फावखुंघिया 2014 माइथायाव तामिलनि सावथुन 'बिराहु'निफ्राय गावनि एक्टिनि केरियारखौ जागायदोंमोन। बेनि उनाव बिथांआ नन्दमुरि बालकृष्णजों लोगोसे 'अखन्ड'आव बरुण तेजजों लोगोसे 'कान्हे' आव आरो 'जय जानखि नायक',



गुदुडु, नक्षत्रंम' बायदि गोबां सावथुनफोरखव गिदिर गिदिर स्टारफोरजों खामानि मावखांबाय। बिथांआ हिन्दी

सावथुन 'टिट्टु एमबिए' आवबो खामानि मावदों, जेराव बिथांजों लोगोसे निशान्त दहियाखौबो लिड रलआव नुनो मोननाय

जादोंमोन। बे सावथुना बक्स अफिसआव बांद्राय मोजां पारफर्म खालामनो हायाखैमोन। 36 बोसोर बैसोनि प्रज्ञा

प्लान्ट खालामदोंमोन। मोनसे सावगारियाव सनालि सहगलआ लेखा फरायगासिनो दडमोन आरो बिथांनि डगिनावबो गांसे बुक दडमोन, जायनि कभारआव लिस्ना दडकदि, 'बिदा गेदेर माब्रे जानांगौ?' बे सावगारिफोरनि गेजेरजों हमादोनो हायोदि, सनालि आरो बिथांनि फिसायआ बिमा-बिफा जानायनि थियारिखौ माब्रै हाय खालामगासिनो दड। बेफोर समायना सावगारिफोरजों लोगोसे सनालिया केपानआव लिददोंदि, बियार बथलनिफ्राय लानानै बेनि बथलसिम, आशिषनि जिउआ सोलायसिगोन। सिगां सासेनि थाखाय जायोमोन, नाथाय दा सानैनि थाखाय जागासिनो दड। बेनि गेजेरजों रामशेरआ (डगि) सासे मोजां बिदा जानायनि सायाव नटस बानायगासिनो दड। नोंथांमोननि आर'जआव लाफा। बिथांआ मिबथि होबावदोंदि, बिथांनि डिलिभारिया दिसेम्बरआव जागोन।

सनालि सहगलआ गावनि प्रग्नेन्सिखौ शेयार खालामदों

15 आगस्टआव टिभिनि गपि बहु एवा देवलना भट्टजार्थआ गावनि प्रग्नेन्सिखौ फोसावदोंमोन आरो बेनि सानसे उनाव बि-टाउननि मुंदांखा फावखुंघि सनालि सहगलआबो मोजां खौरं शेयार खालामदों। सनालि सहगलआबो बोसोरसे उनाव सनालिआ बिमा जासिगोन। सनालि सहगलआ 7 जुन 2023 आव बिजनेसमेन आशिष सजनाजिजों जुलि जादोंमोन। बे ज'रया बा बोसोरसिम सानैजों सिखावै डेट



खालामदोंमोन। बबे खानि जुलिनि उनिफ्रायसो बे ज'रया रमान्टिक सावगारिफोरखौ शेयार खालामबाय थादों। नाथाय दा सनालिनि सशेल मिडिया

फिडआव फिसाइजों लोगोसे रमान्टिक सावगारिनि जायायाव बिथांनि प्रग्नेन्सिनि नुथाइआसो नुजासिगोन। सनालि सहगलआ मोनसे अन्थाव परस्टनि गेजेरजों मोजां खौरं खोनासंहोदोंदि, बिथाड बिमा जासिगोन। फावखुंघिया इन्सटग्राम एकाउन्टआव गोसो बोनो हानाय सावगारिजों लोगोसे गावनि प्रग्नेन्सिखौ एनाउन्स खालामदों। गिबि सावगारियाव सनालिखौ स्नेक्स जानाय नुनो मोन्दोंमोन आरो बिथांनि साखाथियाव गोबां स्नेक्सफोर दडमोन। अदेबानि बिथांनि फिसाइ आशिषआ गाइखेरनि बथल हमायनायमोन। बे सावगारियाव जिम बियारआव सनालिया गावनि बेबि बम्पखौ

जादोंमोन। बे सावथुना बक्स अफिसआव बांद्राय मोजां पारफर्म खालामनो हायाखैमोन। 36 बोसोर बैसोनि प्रज्ञा

प्लान्ट खालामदोंमोन। मोनसे सावगारियाव सनालि सहगलआ लेखा फरायगासिनो दडमोन आरो बिथांनि डगिनावबो गांसे बुक दडमोन, जायनि कभारआव लिस्ना दडकदि, 'बिदा गेदेर माब्रे जानांगौ?' बे सावगारिफोरनि गेजेरजों हमादोनो हायोदि, सनालि आरो बिथांनि फिसायआ बिमा-बिफा जानायनि थियारिखौ माब्रै हाय खालामगासिनो दड। बेफोर समायना सावगारिफोरजों लोगोसे सनालिया केपानआव लिददोंदि, बियार बथलनिफ्राय लानानै बेनि बथलसिम, आशिषनि जिउआ सोलायसिगोन। सिगां सासेनि थाखाय जायोमोन, नाथाय दा सानैनि थाखाय जागासिनो दड। बेनि गेजेरजों रामशेरआ (डगि) सासे मोजां बिदा जानायनि सायाव नटस बानायगासिनो दड। नोंथांमोननि आर'जआव लाफा। बिथांआ मिबथि होबावदोंदि, बिथांनि डिलिभारिया दिसेम्बरआव जागोन।

देब आनान्दनि गाइड सावथुना भिक्रान्त मेसिनि मेलेमाव जायगा लादों

'12 वीं फेल' सावथुननि फावखुंघि भिक्रान्त मेसिआबो लुबैयो बिथांनि सावथुनफोरखव माखासे एरैबायदि जानांगौ होन्ना सानो, जेराव गोदान आरो गोजाम आर्टिस्टफोरखौ फेगौ बोसोराव जर'खा महरै बोनो हायो। भिक्रान्त मेसिया बुडोदि, 'जि बोसोर सिगां जाय एक्टि एवा आर्टआ सिनेमाआव जायोमोन, बेयो दा गैला। मसाला मनरन्जन आरो आर्ट सावथुनफोरनि गेजेरनि रेखाआ एवा सिमनाया गोमोरलांबाय। फावखौ सिगांनि समाव लिनाय जायामोन, बेखौ आथिखालाव लिस्नाय जायो, मानोना सुबुंफोरा बेखौ नायनो थाखाय मोजां मोनो। गोबां फावगिरिफोर दड, जायफोरा हिर'नि फावनि अनगा आनकनभेन्सेनेल फाव खालामगासिनो दड। बिथांआ



बुंआवदोंदि, हेरिटेजआ मोनसे जोबोद गिदिर सोदोब। खामानि मावनाय समाव बे सोदोबखौ गोसोआव थाया। आं एरैबायदि सावथुनफोरखौ खालामनो थाखाय मिजि थियो, जाय गोसो-गोदायनि समजों लोब्ला थानाय। जाय सावथुनफोरखौ आं उन्दैयाव नायदों एवा आंनि न'आव जाय थासारि नुबोदों मोजां सावथुनफोरखौ नायनायखौ लानानै, बेजों आंनि साननाया जौगाखादों। जेब्लानो आं नख'रनि सुबुंफोरजों लोगोसे जिअयो अब्ला गोदो-गोदायनि सावथुनफोरखौ नायो। फावआ जेखि महारावनो जाया मानो बेनि बेसेना गोजोर जानांगौ। अदेबानि 10 बोसोर उनाव बेखौ सोरबा नायोब्ला खोनासडोब्ला जाहाथे बेजों गोरबोनो हायो। नाजानाया जेब्लाबो बेनोदि, एरैबायदि सावथुनफोर खालामनाय, जायखौ गोसोआव थालाडे।

खालामदोंमोन। बबे खानि जुलिनि उनिफ्रायसो बे ज'रया रमान्टिक सावगारिफोरखौ शेयार खालामबाय थादों। नाथाय दा सनालिनि सशेल मिडिया

फिडआव फिसाइजों लोगोसे रमान्टिक सावगारिनि जायायाव बिथांनि प्रग्नेन्सिनि नुथाइआसो नुजासिगोन। सनालि सहगलआ मोनसे अन्थाव परस्टनि गेजेरजों मोजां खौरं खोनासंहोदोंदि, बिथाड बिमा जासिगोन। फावखुंघिया इन्सटग्राम एकाउन्टआव गोसो बोनो हानाय सावगारिजों लोगोसे गावनि प्रग्नेन्सिखौ एनाउन्स खालामदों। गिबि सावगारियाव सनालिखौ स्नेक्स जानाय नुनो मोन्दोंमोन आरो बिथांनि साखाथियाव गोबां स्नेक्सफोर दडमोन। अदेबानि बिथांनि फिसाइ आशिषआ गाइखेरनि बथल हमायनायमोन। बे सावगारियाव जिम बियारआव सनालिया गावनि बेबि बम्पखौ

उदांसिखौ गोरलै होन्नानै माब्लाबाबो सान्नाडः गाहाइ बिजिरगिरि चन्द्रचुड़

गोदान दिल्ली, 16 आगस्टः भारतनि गाहाइ बिजिरगिरि डिवाइ चन्द्रचुड़आ उदांसिखौ गोनांथि होन्नानै बृहस्पतिबाराव बुंदोदि, न'सुंसे हादत बांलादेशआव जानाय बावैसो सिगांनि जाथायफोरनिफ्राय उदांसि साननि गोनांथि आरो मोन्थाइफोरनि बेसेनखौ मिबथिनो हायो। बेयावनि गोजोसिन बिजिरसालि मोखाडव माहारियारि फिफरफला बिरोनायनि उनाव खौरंगिरिफोरनि सिगाडव गाहाइ बिजिरगिरि चन्द्रचुड़आ बुडोदि, उदांसि सानआ जॉनो हादतनि सुबुंफोरनि गावजॉ गावनि फारसे आरो हादतनि फारसे संबिजिरनि गासैबो बेसेनफोरखौ मोगथांआव जाफुंहोनायनि बिबान थानायखौ गोसोखांहोयो। आथिखालाव न'सुंसे हादत बांलादेशआव जाबादि थासारि नुजाथिदों बेयो जॉखौ गोसोखांहोयोदि, जॉनि थाखाय उदांसिया बेसेबां गोनां। उदांसिखौ रेजेडै लानाया जोबोद गोरलै नाथाय आगुआव जालांनाय जाथायफोरखौ बुजिनाया जोबोद गोनांथार। जाहाथे बेफोर बेसेबां गोनां बेखौ



जॉ गोसोआव थायो होन्नाबो बिथाड बुडो। बेनि अनगायै सिगां फारसे खौरंगिरिफोरनि सिगाडव गाहाइ बिजिरगिरिया बुंवाबोदि, माखासे उखिलफोरा गावनि आइनारि हाबा एबा प्रफेशनखौ नागारबाय आरो हादतनि थाखाय गावखौ बाउसोमबाय। उदांसि साननि खाबुआव बिथाडा हादतनि बयनोबो, गासैबो खौरंगिरिफोरनोबो गाहाम हामब्लाइथि होयो। मानोना खौरंगिरिफोरनि गेजेरजॉ गासै हादतनो, जर'खायै आइनजॉ लोब्बा थानाय सुबुंफोरनो माहारियारि उदांसि साननि गाहाम हामब्लाइथिखौ बिथाड होनो

हादों। बे सानआ हादतनि बयनोबो गावजॉ गावनि फारसे आरो हादतनि फारसे गावनि जाय गोथार बिबान बेखौ गोसोखांहोनायनि सान होन्नाबो बिथाड बुडो। मिरुनि आइन मन्थि अर्जुन राम मेघवालआबो बे समाव फिफरफला बिरोनायाव नुजाथिदोंमोन आरो संबिजिरआनो बयनिबो जौसिन होन्ना बुडो। गाहाइ बिजिरसालि बार एस'सियेशननि आफदगिरि आरो गागि बुथिगिरि कपिल सिब्लआ गिबि गाहाइ मन्थि जवाहरलाल नेहरुनि बुलांनय बाश्राफोरखौ गोसोखांहोन्नानै बेयावनो बै उदांसिया दड; जायखौ हादतआ रंजाथाइ फालिगासिनो होन्ना बुडो।

दावहानि गेजेरावनो इजराइलआ जेरुजालेमाव गोदान गामि फसंनयनि थांखि आजावदों


जेरुजालेम, 16 आगस्टः गाजानि दावहा दोन्थ'नायखौ लानानै काठारनि राजथावनि दहाआव बृहस्पतिबाराखालि सान्जौफु समाव मोनसे खोलोबयारि सावरायनाया जागायो। मुलुगनाडै नि हादरफोरनि नोजोरआ बे सावरायनायाव गोखोडै गोरलैदों। बे समावनो इजराइल नोगोरारि खुंथाय बिफानआ गोदान गामि नाहर पेलेटजखौ 2017 नि उनाव फसंफिनाय जागोन। बे गामिखौ 148 एकड़ हायाव फिलिस्टाइननि सहर बेटेलहामनि साखाथियाव फसंनय जागोन। बिफानआ बुंवावदोंदि, गामि फसंनयखौ लानानै बिथांखि थियायि खालामनानै लानाय जादों। अदेबानि गामि फसंनय खामानिआ माखासे बोसोरनि गेजेरावसो जाफुंनो हागौ। मानोना बेनि थाखाय जइनि प्लेन आरो गनायथि मोन्नागौआव गोबाव सम नानो हागौ। बेराफासै आफादआ पीस नाउन गामिफोरखौ फसंनय आयदायाव अजद



होदों। फसंथानिफ्राय बुंदोदि, नाहल पेलेटजआ फिलिस्टाइन ओन्सोलाव फसंजानाय एनक्ले भ जागोन, जाय रैखाथिनि खैफोद सोमजिखांहोगोन। बे खौ फिलिस्टाइननि ओन्सोलारि सामलायथायाव जेंना लाबोनायनि थाखाय डिजाइन कालामनाय जादों होन्नानैबो बुंदों। बेफोरनि अनगायै इजराइल नोगोरारि खुंथाय बुंवावदोंदि, गामि फिलिस्टाइननि गामि बट्टिरनि हायाव फसंजानांगौ, गामि फिलिस्टाइननि गामि बट्टिरनि हायाव फसंजानांगौ,

इसर'नि इ3एस-08 आ जाफुंसार महरे लन्व खालाम जाबाय

गोदान दिल्ली, 16 आगस्टः बुहुमखौ नोजोर लाखिनो थाखाय इअएस-08 खौ श्रीहरिकट्टानि चतिश धावन अखामा मिरुनिफ्राय शुरुबार फुडव जाफुंसार महरे लन्व खालामनाय जायो। बे रकेटनि सिडव गोदान आर्ट अब्जाभेसन सेटेलाइट एअएस-08 खौ लन्व खालामनाय जादों। मोनसे फिसा सेटेलाइट एसआर-0 डेम'सेटखौबो पेसेन्जार सेटेलाइटखौ रकेटजॉ लोगोसे दैथायहरनाय जादों। मोननैबो सेटेलाइटआ बुहुमनिफ्राय 475 कि:मि: गोजोआव मोनसे दुलुर महरनि अर्बिटआव गिदिंखनबाय थागोन। एसएसएलभि-डि 3-इअएस-08 मिसनआव लांनाय सेटेलाइटफोरनि लिथथाया 175.5 कि:ग्रा: इअएस-08 मिसननि थांखिफोरव माइक्र'सेटेलाइटखौ डिजाइन आरो जौगाखां होनायाबो दंफायो। इअएस-08 आव मोनथाम पेलेड होनाय दड। बेयाव इलेक्ट्र अटिकेल इनफ्रारेड पेलेड (एअआइआर), ग्लबेल नेभिगेसन सेटेलाइट सिस्टेम-रिफ्लेक्टमेटरि पेलेड



(जिएनएसएस-आर) आरो सिआइसि इउभि डेसिमिटरआबो दंफायो। इअआइआर पेलेडखौ सेटेलाइटखौ बिथा लाखिनो नोजोर होनाय, खैफोदखौ नोजोर लाखिनोय, आबहावाखौ नोजोर लाखिनोय आरो बेफोरखौ सावगारि सेबखानायनि थाखाय डिजाइन खालामनाय जादों। जिएनएसएस-आरखौ लैथोमानि सा बाहागोनि बारहावाखौ नायबिजिरनाय, हानि सिदोमाखौ नायसंनय, दै बानाखौ हमदंनय बायदिनि थाखाय रिमट सेसिं गोहोजॉ खामानिआव थिसननाय जादों। बेराफासै एसआइसि इउभि डेसिमिटरखौ गगन यान मिसनआव रोजा फान्थाव गाब

रेडिएसनखौ नोजोर लाखिनो थाखाय थिसननाय जादों। एसएसएलभिनि थामथि आरो जोबथा लन्वनि गेजेरजॉ बुहुमखौ नोजोर लाखिगा सेटेलाइट इअएस-08 खौ लन्व खालामनारनि थाखाय आबुडे थियायि खालामनाय जाबाय। बे एसएसएलभि डि 3 नि थामथि आरो जोबथा लन्व जागोन।

कमला हेरिसआ हादतखौ सिलिंखार खालामगोनः डनाल्ट ट्राम्पनि दाबि



वाशिंठन, 16 आगस्टः कमला हेरिसनि हादतयारि बिसायथ'थियाव ऑखारनायनि उनाव आमेरिकानि राजखान्थियाव थासारिया गोखों जादों। गागि आमेरिकानि हादतगिरि डनाल्ट ट्राम्पआ गोखों चेलेन्स मोन्नायनि उनाव कमला हेरिसनि सायाव लान्थिये नोजोर होगासिनो दड। बिथाड बुंदोंदि, हेरिसआ गावयारि जाथायनि मोनथाइ गोन। ट्राम्पआ बुंदोंदि, जेरव गावयारि जाथायनि बाश्रा

फैयो, आं बिथांखौ रणा जादों मानोना बिथांआ हादतजॉ जेखौ खालामदों बेयो गोरोनथि। बिथांआ बुंदोंदि, कमला हेरिसआ हादतनि थाखाय मोजॉ खामानि मावयाखै। ट्राम्पआ बुंदोंदि, आंनि गोसोआव कमला हेरिसनि थाखाय जेबो सनमान गैया। गागि हादतगिरिया बुंदोंदि, आंनि गोसोआव कमला हेरिसनि बुजिनाय गियाननि सायाव सॉलु दड आरो आं सानोदि,

बिथांआ सासे गिथावना हादतगिरि जागोन। जेब्ला गागि बिजांथि निक्कि हेरिसनि गेजेरजॉ कमन्ट खालामनारनि सोमोन्दै सॉनाय जादोंमोन, जेरव बिथांआ सुबुरुन होदोंमोनदि, ट्राम्पनि अभियानआ दिगखौ सोलाय नॉसिगौ। बेनि सायाव ट्राम्पआ बुंदोंदि, बिथांआ गावनि अभियानखौ गावनि हिसाबैनो सालायगोन। मिबथि होनाय जादोंदि, मोनसे रिपटनि बायदिब्ला हेरिसआ स्निनफ्राय मोनबा राइज्योआव ट्राम्पनिफ्राय आवगायना दड। एरिजना, मिशिगान, बिस्कन्सिन, साहा केर'लिनआ आरो पेन्सिल्वेनियाआव ट्राम्पआ उन जाना दड। जाय नभेम्बरनि बिसायथ'थिनि फिथाइखौ सोलायहोनो हागौ।

पाकिस्तानआव टिटिपिनि सा 7 उतरखारिफोरखौ सान्थिआ गावथारदों

फेशवार, 16 आगस्टः पाकिस्ताननि गोखों हिंसाजॉ गोहोम गोरलैनाय के इबर फखुनखा नाइज्योआव रेखाथि हान्जा आरो उतरखारिफोरनि गेजेराव गोखों गुलि गावलायनाय जायो। तहरिक-ए-तालिबान पाकिस्तान (टिटिपि) नि हान्जाजॉ रेखाथि हान्जाफोरा गोखोडै जुजिदों। जेराव टिटिपिनि सा 7 उतरखारिफोरनि जिउ गोमायो। बेनि खौरांखौ पाकिस्तान सान्थिआ मिथिहोदों। पाकिस्तान सान्थिनि मिडिया ब्रान्स इन्टर-साभिसेज पाब्लिक रिसेसन (आइएसपिआर) आ मोनसे फिन्नायाव बुंदोंदि, कुररम



जिल्लायाव उतरखारिफोर थानायनि संगालि खौरांखौ बिथा खालामनानै सान्थि हान्जाया अपारसन खालामो। बे समाव सान्थि हान्जा आरो उतरखारिफोरनि गेजेराव गोखों मोगा-मोगि गुलि

गावलायनाय जायो। बेयाव सा 7 टिटिपि उतरखारिफोरनि जिउ गोमायो आरो गुबुन सा 5 आ जोखोम जायो। सान्थिनि मिडियाआव मिथिहोनाय बादिब्ला, उतरखारिफोरनि स्रोदयै

लाखिनोय मोनसे मख'जाथाव केम्पखौबो संदानानै मोन्दों आरो बेनिफ्राय गोबां बिबांनि हाथियार, गुलि-बारुद आरो बमाफोरखौ बोखानो मोन्दों।

सुइडेनआव एम-पक्सनि गिखंथाव स्ट्रेननि केस मोन्दों



गोदान दिल्ली, 16 आगस्टः थानाय माखासे समनिफ्रायनो आफ्रिकान हादरफोरव गिखंथाव दोहौ सोमजिहोनाय एम-पक्सआ आफ्रिकानि बाइजोआवबो गोसारो हम्बाय। बृहस्पतिबाराखालि सुइडेनआ एम-पक्सनि बयनिखुइबो गिखंथावसिन स्ट्रेननि गिबिसिन केसखौ सोराडव लाबोदों। बेनि सिगां बावैसो सिगाडाव डब्लिउएइसआ बे बेरामखौ ग्लबेल पाब्लिक हेल्थ इमार्जेन्स होन्नानै फोसावदोंमोन। बेनि गेजेराव सुइडेनआव

गिखंथावसिन स्ट्रेननि गिबि केस मोन्नाया हेल्थ एक्सपर्टफोरनि जिंगाखौ बांहोदों। सुइडेननि पाब्लिक हेल्थ एजेन्सिआ फोसावदोंदि, बे भाइरासआ 2023 नि सेप्टेम्बरनिफ्राय डेमक्रेटिक रिपाब्लिक अफ कांगआव नुजाथिनय बै भाइरास बादिनो जायखौ क्लेड-1 बि साबक्लेड महरे मिथिनय जायो। सुइडेन हेल्थ एजेन्सिनि बादिब्ला, आफ्रिकायाव थानानै फैनाय सुइडेननि स्टकहामआव मेडिकेल केटरनि गोनांथि जानानै फैयो। बेनि उनाव टेस्ट खालामनायाव

क्लेडनि केसआ सोराडव फैयो। बे सुबुडा क्लेड भेरिएनजॉ इन्फेक्सन जादों। एजेन्सिआ मोनसे फिन्नायाव फोरसायदोंदि, बे केसआ आफ्रिकान महाद्वीपनि बाइजोआव क्लेड-1 नि जाहोनाव नुजाथिनय गिबिसिन केस। बेयावनि इपिडेमियलजिस्ट मेगनास गिसलेनिनि बादिब्ला, इन्फेक्सन जानाय सुबुडा आफ्रिकानि इन्फेक्सन जानाय बाहागोआव दावबायहैनय समावनो सन्देनानै फैदों जानांगौ। मानोना बै बाहागोआव एम-पक्स क्लेड-


1 नि गोहोमआ बांसिन जानानै दड। मख'जाथावदि, डेमक्रेटिक रिपाब्लिकान अफ कांगआव बे बेरामजॉ सोलिफु बोसोरनि जागायनारनिफ्राय दासिमाव सा 548 सुबुंफोरनि जिउ गोमाबाय। हुआ थांनाय बुधबारआव डिआरसि आरो न'सुंसे हादरफोराव बे बेरामनि गोहोमखौ नोजोर होना बेखौ मोनसे पाब्लिक हेल्थ इमार्जेन्सि अफ इन्टरनेसनल कन्सार्न होन्नानै फोसावदों। बे बेरामखौ सिगाडाव मांकी फक्स

होन्नानै बुंनाय जायोमोन आरो बे भाइरासखौ गिबि खेब 1970 माइथायाव सुबुंफोरनाव मोनजेन्दोंमोन। बेयो मोनसे सन्देरा बेराम। जाय बेजॉ इन्फेक्सन जानाय जुनातफोरनिफ्राय सुबुंफोरनाव गोसारो। नाथाय बे बेरामआ सुबुंफोरनि गेजेराव देहायारि सोमोन्दो लाखिनयनि गेजेरजॉबो गोसारो हागौ। बे बेरामनि लोखोनफोरनि गेजेराव मोदोम दुंखावनाय, मोदोम सानाय आरो बिगुरआव गिदिगिदि गाराय सोमजिनय बायदिफोर मख'जाथाव।

बारहुंखा एम्पिलआ जापानखौ खैफोदयाव खोख्लैदों

टकिय, 16 आगस्टः जापानआव एम्पिल बारहुंखाया सुबुंफोरखौ जेंनायाव खोख्लैदों। बे बारहुंखाया जापाननि गाहाइ द्वीप फासं गोखैयै दावालांगसिनो दड। जाउनाव अखां लामानि सोलिथायाव जेंना गोरलैदों। बे बारहुंखानि जाउनाव सरकारआ हा गिसिखानाय आरो दै बानानि सांग्रंथि फोसावदों। बे समाव

बोथोर बिगियान बिफानआ सुबुंफोरखौ न'सिडववो थानो आरो खैफोदनि फासं सांग्रं जानो सुबुरुन होदों। जाउनाव कम्पानिफोरनि मावफारियाफोराबो न'फासं फैफिनो थियायि जादों। बे बारहुंखानि जाउनाव जापानआ उरं सोलिथायाव बन्द फोसावदों आरो फ्राय 10 रोजा न'फोरखौ खालि कालामनो खालयावदों।



ताइपुन एम्पिलखौ गिखंथावना बारहुंखाफोरनि फारिआव दोन्नाय जायो। बे बारहुंखाया गन्तयाव

216 कि:मि: गोखैथिजॉ खारगासिनो दड। जाउनाव ओन्सोलाव मोब्लिव सोलिथाया

बन्द जानायजॉ लोगोसे गं 600 नि बांसिन नख'गरि आरो हादर गेजेराव बिरखनि सिबिथायखौ बन्द फोसावदों। जाउनाव 1 लाख 20 रोजानिबो बांसिन दावबायारिफोर जेंनायाव गोरलैदों। मख'नो गोनांदि, जापानआ गिदि बांघि मावखानाय जेंनायावबो गोरलैखंबाय। जेरव बे बांघिनि गोखौंथिआ रिक्टर स्केलआव 6.9 मेनेल्युटमोन।

मिरु मन्थि सर्बानन्द सनवालआ शुटार मनु भाकरखौ मानजों बरायदों

गोदान दिल्ली, 16 अगस्त:

मिरु मन्थि सर्बानन्द सनवालआ पेरिस अलिम्पिकआव गंने मेडेल देरहानाने जांरिमिन सोरजिनाय आइजो शुटार मनु भाकरखौ मानजों बरायदों। बे समाव मिरु मन्थिआ मनुजों लोगोसे बिथानि विमा सुमेधा भाकर आरो बिफाराम किशन भाकरखौबो मान होदों। मानजों लोगोसे मन्थि सनवालआ बे समाव मनुनो 10 लाख रंनि चेकबो गथायदों। मख 'मनो गोनांदि, मनुनि बिफाया नेभिआव सिफ इन्जिनियार महै हाबा मानवाने दड। जाउनाव सनवालआ बिथाखौबो फिसाजोनों लोगोसे जर'खायै बरायदों। बे समाव सनवालआ भारतीय सुबुफोरा जेब्लायबो भाकरनि सायाव गोग्गानाय थालांगोन होन्नाने



फोरमायो। लोगोसे उननि समफोराव हादरनि थाखाय गोबां मेडेल देरहाबावगोननि मिर्जिथि लादों। सिगां फासै मिरु मन्थिआ शुटिआव नोजोरथिजों लोगोसे दिदोमथि गोसो आरो गोबाब हाबा मानवांगोनि गोनांथिखौ फोरमायनाने उननि समाव भारतनिफ्राय मेडेल फेबावगोनखौ मिर्जिथि लादों। अलिम्पिकआव गंने मेडेल

देरहानाय मनु भाकरआ बे समाव गावजों लोगोसे गेलेगिरिफोरजों गुबुन गुबुन दैदेनगिरिफोरनि लोगो हमज्जलायनायखौ मान होलायनाने मिरु मन्थि सनवालनिफ्राय गावनो होनाय अन्नाय आरो मानखौ गोजोन्नाय फोरमायदों। शुटिनि फोथारआव गावनि 8 खावसे बोसोर सम हगारबोनायखौ फोरमायनाने उन्दै समनिफ्रायनो बे गेलेमुनि फासै गावनि गोसो गोरोबनायखौ फोरमायो आरो गावनि हान्थिनायव नख 'रनि सोद्रोमाफोरनि मददआव थाबोनायखौ साबायख 'र होयो।

मन्दीप आरो लाभलिनाआ गाहाइ मन्थिजों लोगो हमखांनयनि उनाव गोजोन्नाय फोरमायदों



गोदान दिल्ली, 16 अगस्त: गाहाइ मन्थि नरेन्द्र मदिजों पेरिस अलिम्पिकआव बाहागो लाहैनाय भारतनि हान्जाया हादर उदांसि सानखालि लोगो हमज्जलायदों। बे समाव गंने ब्रन्ज मेडेल देरहानाय आइजो शुटार मनु भाकर, सर्बजत सिंह, सपिल कुशाले, भारतीय हौवा हकी हान्जानि सोद्रोमाफोरनि अनगायै रेसलार अमन शेरहवत आरो माखासे गेलेगिरिफोरबो नुजाथिदोंमोन। गाहाइ मन्थिजों लोगो हमज्जलायनायनि उनाव मन्दीप सिंह आरो आइजो बक्सार लाभलिना बराहाइआ गावसोरनि गोजोन्नाय मोन्दांखौ फोरमायदों। ब्रन्ज मेडेल देरहानाय भारतीय हौवा हकी हान्जानि केपेन हरमनप्रीट सिंहआ गाहाइ मन्थि मदिनो हकी लावथिआव गासैबो गेलेगिरिफोरनि मुंसाइ होनायखौ गथायदों। मनु भाकरनि अनगायै ब्रन्ज मेडेल देरहानाय सपिल कुशालेआबो बे समाव गाहाइ मन्थिजों माखासे आयदानि सायाव बाश्ना सावरयदों। आसामनि आइजो बक्सार लाभलिना बराहाइआ गाहाइ मन्थिजों लोगो हमज्जलायनायनि उनाव जर'खा बाश्ना सावरयनो मोन्नायखौ फोरमायो। बे समाव बिथाड गावनि मेडेल देरहानो हायैखौ फोरमायनाने बे समावबो गाहाइ मन्थिनि थुलुंगा होनायखौ गोजोन्नाय फोरमायदों। हकी गेलेगिरि मन्दीप सिंहआ गाहाइ मन्थिजों लोगो हमज्जलायनो मोन्नायखौ फोरमायनाने बे समाव उदाइ बाश्ना सावरयनायखौ फोरमायो आरो गाहाइ मन्थिनो हकी लावथिजों लोगोसे जांसि अन्थोव गथायनो मोन्नायखौ गोजोन्नाय फोरमायो। शुटार सपिलआबो गाहाइ मन्थिजों सावरयनो मोन्नायखौ गोजोन्नाय फोरमायदों। सावरयनाय समाव गाहाइ मन्थिनि दिदोम गोसो आरो थुलुंगा गोनां बाश्ना बुंनयाखौबो बिथाड फोरमायनाने बिथानि रावजों सिगांलानो थुलुंगा मोन्नायखौ फोरमायो।

गाहाइ मन्थिआ भिनेश फगातखौ बाखायदों

गोदान दिल्ली, 16 अगस्त:

पेरिस अलिम्पिक 2024 आव बाहागो लानो दावबायनाय भारतनि सा 117 गेलेगिरिफोरनि हान्जाया हादरआव सौफैफिनबाय। नाथाय सोलिफु बोसोरनि अलिम्पिकआव आइजोफोरनि रेसलिनि फोथारआव मोनसे जेना सोमजिखानाने फेदों। थामहिनबा बिमुनि थाखाय बादायनाय फाइनाल मेचनि सिगांनो भारतीय आइजो रेसलार भिनेश फगातआ 100 ग्राम लिस्थाय बांसिननि थाखाय डिडकविलफाइ फोसावबादांमोन। जायनि उनाव भारतनि अन्सायगिरिफोरा बे थांखिनि सायाव दुखु मोन्नाय फोरमायदों। सिलभार मेडेलनि थाखाय आर'ज गाबनायनि उनाव सिएएसआबो भिनेशनि आर'जलाइखौ नेवसिगारबाय।



बेनि उनाव गाहाइ मन्थि नरेन्द्र मदिआ भारतीय गेलेगिरिफोरनि हान्जाजों लोगो हमज्जलायनाय समाव भिनेश फगातखौ बाखायदों। गाहाइ मन्थि नरेन्द्र मदिआ पेरिससिम दावबायनाय गेलेगिरिफोरजों सावरयनाय समाव भिनेश फगातनि मुंखौबो मख 'दों। लोगोसे बिथानि फाइनालसिम सौहैनायखौ भारतनि थाखाय गोग्गानाय फोरमायदों। नाथाय फाइनालनि सिगांनो भिनेशनि डिडकविलफाइ फोसावजानायखौ पोरमायनाने

बेबादि थासारिआवबो भिनेशनि फाइनालसिम सौहैनायखौ गाहाइ मन्थिआ गोग्गानाय आरो थुलुंगा गोनां फोरमायदों। मख 'नो गोनांदि, पेरिस अलिम्पिकआव रेसलिनि 50 कि:ग्रा: प्री स्टइल केटेगिआव फाइनाल मेचनिफ्राय डिडकविलफाइ फोसावजानायनि उनाव भिनेशआ गेलेनायनिफ्राय आजिरा फोसावनायै बयखौबो गोमोहोदों। बिथाड भारतनि थाखाय रेसलिनिआव एसियान गेम्सजों लोगोसे कमनवेलथ गेम्सआवबो माखासे मेडेल देरहानो हादों।

गाहाइ मन्थि मदिआ अलिम्पिकआव मेडेल देरहानाय गेलेगिरिफोरजों लोगो हमदों

गोदान दिल्ली, 16 अगस्त:

भारतनि गाहाइ मन्थि नरेन्द्र मदिआ पेरिस अलिम्पिकआव बाहागो लाहैनाय गेलेगिरिफोरजों लोगो हमलायदों। बे समाव बिथाड अलिम्पिकनिफ्राय रावबो गेलेगिरिआनो जेन्नाने फेयाखै होन्ना थुलुंगा होनायजों बे गेम्सनिफ्राय जर'खा सोलौंथाय मोनबोनायखौ फोरमायदों। गाहाइ मन्थिआ पेरिसनिफ्राय सौफैनाय फ्राय गासैबो गेलेगिरिफोरजों बाश्ना सावरयदों। लोगोसे मेडेल देरहानाय एबा देरहानो हायै गासैनिसिमबो गाहाम हामलायथि होदों। गाहाइ मन्थिआ शेरार खालामनाय भिडिआव बिथांखौ जेन्नाने फेनाय गेलेगिरिफोरनिसिम सौंथि खालामनाय नुनो मोन्दों। जेयव बे सौंथिआव माखासे जेनबोनाय गेलेगिरिफोर आखाइ दैखानाय समाव गाहाइ मन्थिआ बिसेरनिसिम जेन्नाने फेयाखै



होन्ना थुलुंगा होदों आरो पेरिस गेम्सआव मोनसेब्लोबो सोलौंथाय मोनबोनायखौ फोरमायो। गाहाइ मन्थिआ फोरमायनाय बादिब्ला, गेलेमुआव माब्लाबाबो जेन्नाय मोन्दांथिखौ लाबोना नाड। मानोना बेनिफ्राय बांसिनै सोलौंथाय लानांगोसो जायो। गाहाइ मन्थि मदिआ अलिम्पिकखौ जर'खायै नोजोर लाखिबोनायखौ फोरमायो। बे समाव बिथाड पिआर श्रीजेशजों

बाश्नाबो सावरयलायदों आरो आजिरा लानायनि सौंथिआव

असाका आरो भाभरिकाजों लोगोसे साब्रै गेलेगिरिफोरा वाइल्ड कार्ड मोन्दों

पेरिस, 16 अगस्त: इउएस अपेनआव खेबनै सेम्पियन जाखानाय नाअमी असाकाजों लोगोसे साथाम बारा' सेम्पियन फारियै स्टान्त भाभरिका, डमिनिक थिएम आरो बिथांका एन्डिस्कुआ फेगो 26 अगस्टनिफ्राय जानो गोनां बोसोरनि जोबथा ग्रेन्डस्लेमनि थाखाय वाइल्ड कार्ड मोन्दों। असाकाआ दासिमाव खेबनै ग्रेन्डस्लेम देरहाबाय। जायनि फारिआव बिथाड 2018 आव गावनि गिबि ग्रेन्डस्लेम इउएस अपेनखौ देरहादोंमोन। बेनि उनाव बिथाड 2020 आवबो बे अपेनआवनो सेम्पियन जादोंमोन। नाथाय वाइल्ड कार्ड मोन्नाय गुबुन गेलेगिरिफोरबादि थानाय माखासे दुर्नामेटफोराव बिथाडाबो गेलेयाखैमोन। जाउनाव वर्ल्डरैंकिंगआव बिथाड



गाहायाव दावखलायनायनि जाउनाव इउएस अपेनआव थोंजोडे एन्टि मोन्नायाव फेलें जाहैदों। असाकाआ थानाय बोसोराव सासे फिसाजोखौ जोनोम होनायनि उनाव बे सिजनआव डब्लिउटए टुरआव ओंखारदों। नाथाय बिथाड दासिमावबो मोजां फर्मआव फेनो हायाखै। मानोना बिथाड सिगां समाव मुलुनि नम्बर-1 गेलेगिरि जाखोबायमोन। इउएस अपेन 2019 आव सेरेना उइलियासमखौ फेजेनाने बिमुं देरहानाय कानाडनि एन्डिस्कुआ थानाय बोसोराव फ्रेन्स अपेनआव

सुइजरलेन्डनि 39 बोसोरनि भाभरिकाआ गावनि खेबथाम ग्रेन्डस्लेम देरहानाय फारिआव इउएस अपेनखौ 2016 आव देरहादोंमोन। थानाय माखासे दानफोरनि गेजेराव मोजां फर्मआव थानो हायैनि जाउनाव बिथाड मुलुगनां रैंकिंगआव टप-100 निफ्राय जानगारआव दड। आइजो केटेगिआव अमानडा अनिसिमभा, मेकाटी कैसलार, एलेक्स नएल आरो इभा जभिचनि अनगायै फ्रान्सनि क्ल पेक्वेट आरो अस्ट्रलियायनि तायला प्रेस्टनआबो वाइल्ड कार्डनि खाबु मोन्दों।

पेरालिम्पिक गेम्सआव सुमित आरो भाग्यश्रीआ प्लेग बियारार जागोन



गोदान दिल्ली, 16 अगस्त: भाग्यश्री यादव आरो सुमित अन्तिलआ पेरिस पेरालिम्पिक गेम्सआव भारतनि प्लेग बियारार जागोन आरो बेखेवजेनाय हाबाफारिआव सा 84 सोद्रोमानि भारतीय हान्जाखौ दैदेनगोन। भारतआ पेरिस पेरालिम्पिकआव जांरिमिनारि महैरेसिन हान्जा दैथायहरदों। जेयव टकिय पेरालिम्पिकआव सा 54 पेर गेलेगिरिफोराल 'सौहैदोंमोन। पेरिस पेरालिम्पिकआ फेगो 28 अगस्टनिफ्राय जागायगोन। महारास्टनि भाग्यश्रीआ हारिमायारि लेभेलआव मावख'यारि महै बाहागो जादों। बिथाड 2022 नि एसियान गेम्सआव जेभलिन खुबैनायनि एफ-34 इभेन्टआव सिलभार मेडेल आरो टकिय पेरालिम्पिकआव 7 थि मासिआव जायगा आवग्रिदोंमोन। भाग्यश्रीआ 2017 निफ्राय हारिमायारि लेभेलआव लांथियै मेडेल देरहानाने गावखौ जर'खायै सिनायथिनो हादों। बिथाड फेजा वर्ल्ड काप आरो वर्ल्ड पेर एथलेटिक्स गेम्सआवबो मेडेल देरहाबाय। भारतनि स्टार पेर जेभलिन खुबैग्रा सुमितआ एफ-64 केटेगिआव बारा' वर्ल्ड रेकर्ड हल्लार महै बाहागो जागोन। बिथाड टकिय पेरालिम्पिकआव 68.55 मिटर जान्थायनि वर्ल्ड रेकर्डजों सनानि मेडेल देरहादोंमोन। 2023 नि वर्ल्ड पेर एथलेटिक्स सेम्पियनसिपआव सनानि मेडेल देरहानाय सुमितआ 2022 नि एसियान गेम्सआव 73.29 मिटर जान्थायजों वर्ल्ड रेकर्ड थिसन्दोंमोन। बे खेबआव भारतआ मोनथाम गोदान इभेन्ट फारियै पेर साइक्लि, पेर रई आरो व्लाइन्ड जुड'आव बाहागो लागोन। बेखौ लाफानाने भारतआ पेरालिम्पिक गेम्सआव मोन 12 गेलेमुआव सेलेन्ज होगोन। टकियनि रुजुनायाव आइजो पेर गेलेगिरिफोरनि अन्जिमाया बे खेबआव 2 फान जागोन। थानाय खेबआव सा 14 आइजो गेलेगिरिफोरल 'बाहागो जादोंमोन। नाथाय बे खेबआव सा 32 गेलेगिरिफोर बाहागो लागोन। जाउनाव भारतआ टकिय पेरालिम्पिकआव देरहानाय गं 19 मेडेलनि हासखौ बे खेबआव नैफानआव लाबोना नाजागोन।

भारतीय आइजो हकी हान्जानि कचआ गेलेगिरिफोरनिसिम सुबुरुन होदों

गोदान दिल्ली, 16 अगस्त:

भारतीय आइजो हकी हान्जानि कच हरेन्द्र सिंहआ आइजो गेलेगिरि हान्जानिसिम दावगानायनि जर'खा मोन्थोर होदों। लज एन्जिल्स अलिम्पिक 2028 नि थियारिआव नोथावनाय आइजो हकी हान्जानि गाहाइ कच हरेन्द्रआ टकिय अलिम्पिकआव ब्रैथि मासिआव थानायनि उनाव पेरिस अलिम्पिकनि थाखाय क्वालिफाइ जानो हायैखौ फोरमायनाने बैफोर गोरेन्थिफोरनिफ्राय सोलौंनगोनि गोनांथिखौ फोरमायदों। मानोना बेबादि थासारियावबो भारतीय हौवाफोरनि हान्जाया फारियै नैथि ब्रन्ज मेडेल देरहानो हादों। हरेन्द्रआ हान्जाजों रादाइ खानायनि उनाव बे आयदानि सायाव गावसोरनिफ्राय जर'खायै सानखानायखौ फोरमायो आरो इयुन दावगानायनि थाखाय गावसोरनि जर'खा नोजोर लाखिनायखौ फोरमायो। सोलिफु बोसोरनि एप्रिल दानआव भारतीय आइजो हान्जानि कच जानायनि उनाव बिथाड हान्जाखौ इयुन दुर्नामेटफोरनि थाखाय जर'खायै



थियारि खालामनो नोजोर लाखिदों। बेनि थाखाय बिथाड सिगाडावनो गालानाय जाथायफोरखौ बावगारनाने इयुननि फासै सानखानो सुबुरुन होदों। बे थांखिजोंनो आवगायनाने बिथाड रडटुएलए थामहिनबा लज एन्जिल्स अलिम्पिक 2028 नि थांखिजों आवगायनांगोननि थांखिखौ फोरमायो। बेनि सिगां 2017-18 आव भारतीय हान्जानि कच जाखानाय हरेन्द्रआ 2028 लज एन्जिल्स अलिम्पिकआव बाहागो लानायनि बिथांखि खालामगानो दड। भारतआ

हकीआव गिबियै 1928 लज एन्जिल्सआव गिबि खेब धनान्चान्दनि दैदेनायाव मेडेल देरहादोंमोन। बे थांखिखौनो होसोफिनो थाखाय बिथाड भारतीय आइजोफोरनि हान्जायाव सोलायनाय लाबोना लुबैदों। भारतीय जुनियर हकी हान्जाखौ 2016 नि वर्ल्ड काप बिमुं देरहाहोनाय 55 बोसोरनि हरेन्द्रआ उननि समाव अलिम्पिकआव बाहागो लाहैनायनि थाखाय फीटनेसजों लोगोसे माखासे दिथिफुनाय फोथारआव सुद्रायनांगोनि गोनांथिखौ फोरमायदों।

पिकेएलनि अक्सनआव सा 5 गेलेगिरिफोरा बांसिनै रं मोन्दों

गोदान दिल्ली, 16 अगस्त:

सचिन तनवारआ मुम्बाइआव जालानाय प्र: काबाडि लीग 2024 नि थाखाय गेलेगिरिफोरनि निलामनि गिबि सानआव बेसेन गोसासिन गेलेगिरि जानो हादों। तामिल थलाइवाजआ पिकेएलनि जानो गोनां 11 थि सिजननि थाखाय स्टार भारतीय काबाडि गेलेगिरिखौ मुंसाइनायनि थाखाय 2.15 कौटि रं खरसा खालामदों। इयननि महम्मदरेजा शदलइआ हरियाणा स्टिलसजों 2.07 कौटि रडव मुंसाइनो हादों। बे दुर्नामेटनि जांरिमिनआव बयनिखुइ बेसेन गोसासिन गेलेगिरि जाखानाय पवन शेरहवतखौ तेलेगु ताइयन्सआ 1.72 कौटि रडव रिटेन खालामदों। गुजराट टाइयन्सआबो गुमान सिंहखौ 1.97 कौटि रडव मुंसाइनाय। नाथाय जानो गोनां सिजननि



थाखाय हान्जाखौ गोखों खालामनोब्ला उननि निलामआव गोबां रं खरसा खालामबावनांगोन। निलामनि उनाव सचिन तनवारआ गावनि मुंसाइनायनि सायाव गोजोन्नाय फोरमायो आरो तामिल थलाइवाज हान्जाजों मुंसाइनो मोन्नायखौ फोरमायो। तनवारआ बे समाव गावनि 1.70-1.80 कौटि रं मोनगोननि सायाव सिगांनो मोन्दांथि फेनाने बेनि थाखाय गावनि नाभास जानायखौ फोरमायो। पिकेएल 2024 नि निलामआव टप-5

बेसेन मोन्नाय गेलेगिरिफोरनि फारिआव सचिनआ 1.15 कौटि रंजों नम्बर-1 मासिआव जायगा मोन्नायनि उनाव हारियाना स्टिलसजों मुंसाइनाय महम्मदरेजाआ 2.07 कौटि रंजों नैथि नम्बरआव जायगा मोन्दों। बिथांमोननि उनाव गुजराट टाइयन्सनि गुमान सिंहआ 1.97 कौटि रंजों थामथि, तेलेगु टाइयन्सनि पवन शेरहवतआ 1.72 कौटि रंजों ब्रैथि आरो इडपि यदानि भरत हुड्डुआ 1.30 कौटि रंजों बाथि मासिआव जायगा मोनो।